



皇清經解



1 2 3 4 5 6 7 8 9 40
1 2 3 4 5 6 7 8 9 50
1 2 3 4 5 6 7 8 9 10



皇清經解卷四百零六中

學海堂

尚書後案

吳王光祿 鳴盛 著

淮海惟揚州

鄭曰揚州界自淮而南至海以東也

莊十年公羊傳疏

傳曰北據淮

南距海

案曰鄭云揚州界自淮而南至海以東也者海岸雖自東北迤而南而篇末云東漸于海則青徐揚之海皆主東言故鄭云至海以東也傳云南距海者戰國策蔡澤曰吳起爲楚南收揚越史記南越尉佗列傳亦云秦以并天下略定揚越置桂林南海象郡裴駟集解引張晏曰揚州之南越張守節正義亦曰夏禹九州本屬揚州故云揚越攷桂林南海象郡今

478
101

廣東廣西交趾地漢武帝平爲交州三國吳分置廣州晉滅吳因之魏晉間人以此爲禹揚州僞傳出魏晉人故云然杜佑通典云揚州東南距海自晉以後歷代史皆云五嶺之南至于海竝揚州地然禹貢物產貢賦職方山數川浸皆不及五嶺外且荊州南境至衡山之陽若五嶺之南在九州封域則宜屬荆豈有舍荆屬揚杜氏此言是僞傳非也要之禹敷土斥境爲方萬里交廣必在其中不待漢武帝始開但鄭注下文五服并注皋陶謨弼成皆以要服內方七千里置九州執玉帛者萬國此外連要服之弼與荒服及荒服之弼方得滿萬里而不在九州之數則知交廣但爲聲敎所暨必在九州之外故于揚州界但言海以東不言南也七閩周禮已有

于禹貢揚州則不可知也

又案曰殷割淮南江北地益徐故爾雅曰江南曰揚州視夏之揚爲小然其卤又得夏荊州地案導水漢至大別入江而爾雅曰漢南曰荊州蓋漢水之名至大別而止曰漢南者大別以南漢水之南也曰江南者大別以東江水之南也荊揚之界當于此分然則殷揚州境縮于北而贏于卤與夏之揚廣狹適相當矣周禮東南曰揚州其數澤川浸與禹貢同也又案曰以今輿地約之江南江淮蘇松安徽三布政司所轄及江西浙江西則河南之汝寧湖北之黃州等府皆揚州域也

彭蠡既豬釋文曰
篆體音禮

皇清亟評

卷四十一 王光祿尚書後案

鄭曰地理志彭蠡澤在豫章彭澤縣鹵南方謂都爲豬史記夏本紀集解。史記索隱一卷傳曰彭蠡澤名疏曰彭蠡是江漢合處下云導漾水南入于江東匯爲彭蠡是也

案曰鄭引地理志彭蠡澤在豫章彭澤縣鹵者前續二志皆同而前志冠以禹貢此古義也漢彭澤縣今江西九江府之湖口彭澤南康府之都昌三縣地澤周四百五十里浸南昌饒州南康九江四府境亦曰鄱陽湖以中有鄱陽山名是湖受江南徽州及江西各府之水其下流北過星子都昌竝屬南康府德化至湖口竝屬九江府入江彭蠡所豬有九水劉歆云湖漢等九水入彭蠡是也前志豫章郡贛縣豫章水出鹵南北入大江贛縣今贛州府治零都縣湖漢水東至彭澤入江零都即今縣又鄱

陽縣有鄱水鄱陽故城在今縣東六十里餘汗縣有餘水餘汗今餘干縣艾縣有脩水艾縣故城在今寧州鹵一百里南城縣有盱水南城今建昌府治建城縣有蜀

水建城今高安宜春縣有南水宜春今袁州府治南墾縣有彭水南墺故縣在今南康縣鹵南又長沙國安成縣有廬水安成故城在今安福縣鹵五十里皆入湖漢水湖漢豫章源異流同諸書每互稱彭水卽豫章上源亦非有二水是湖漢豫章與鄱餘脩盱蜀南廬爲九水也

水經則總稱贛水卷三十九云贛水出豫章南墺縣鹵鄱注經曰贛水地理志曰豫章水雖稱有殊言歸一水矣案南安府志云豫章水出湖廣郴州南黃岑山自宜章縣流入崇義縣界歷上猶南康漢志謂之彭水是知彭豫章實一水在南墺爲彭行至贛爲豫章北過贛縣東右會湖漢水案劉澄之云贛縣東南有章水鹵有貢水縣治二水之間二水合贛字因以名縣酈氏非之說文贛字从貝贛音聲不从貢或俗譌作贛而以名縣或劉澄之不識贛字而此說酈非之是也然近世皆宗其說以豫章爲章水湖漢爲

貢水二水合流自贛縣至萬安縣凡十八灘

酈注盧水入之
案此漢盧陵縣

又東北過新淦縣南

遇石陽縣故石陽故城晉廬陵郡治

縣注應劭曰滻水所出也今清江縣東六十里

水穿寧小皂苗水澗水考漢志新澗
卤入湖漢是又北過南昌縣卤鄱_注
有新澗故城

注之又濁水注之案南
注又云贛水又北逕鄆
水入焉其水尊源建昌

昌即今縣南昌府治濁水自蜀水酈陽縣鵠水注之又與鄱水分合又有潦縣東北逕昌邑而東出豫章大江案

今鄱陽縣鹵北一百二
水又北過彭澤縣鹵

賛水卑弱十川同奏一讀其生多蟲

案劉歆云九水酈云十
流豫章水不計外又加

輶川水出崇寧縣西山中北流經縣治南入于江

之贛水自郴州宜章縣

流經崇義上猶南康

治苗安寿利廬陵吉水

水經注安府山江新添清江江府

昌川

卷之三

陽鳥依民

案曰：故漢書曰：作適後同。

三
四

鷄曰陽鳥謂鷁雁之屬隨陽氣南北

北傳曰隨風匏有苦葉疏

至漸北鴻雁九月而南正月而北左思蜀都賦云木落南翔

冰泮北徂是也

案曰鵠云鵠隨陽氣南北者道藏本淮南子卷五時則謂仲秋季秋皆有候雁來高誘仲秋注云時候之雁從北漠中來過周雒南至彭蠡季秋注云是月時候之雁來南彭蠡入月者其父母是月來者其子羽翼稚弱故在後是也

皇清內經解

卷之三

王光祿尚書後案

四

三江既入

案曰孔達下句爲一節

鄭曰左合漢爲北江會彭蠡爲南江岷江居其中則爲中江故書稱東爲中江者明岷江至彭蠡與南北合始得稱中也三江分于彭蠡爲三孔東入海

尚書疏○胡士行尚書詳解卷地部○邱光庭兼明書二三卷○宋板徐堅初學記六卷○羅泌路史餘論十卷

傳曰言三江已入致定爲震澤疏曰下傳云自彭蠡江分爲三入震澤遂爲北江而入海是

孔意江從彭蠡而分爲三又共入震澤從震澤復分爲三乃入海鄭云云其意言三江既入入海耳不入震澤也

案曰鄭云左合漢爲北江者下文導漢至于大別南入于江是也又云會彭蠡爲南江者導漢云東匯澤爲彭蠡導江云東迤北會于匯鄭彼注云東迤者爲南江是也又云岷江居

其中則爲中江故書稱東爲中江者明岷江至彭蠡與南北合始得稱中也者鄭解導江中江之義以證此節三江實一江也又云三江分于彭蠡爲三孔東入海者據文似彭蠡以下又有三孔詳繹其義則三孔實卽指南北中三江也鄭此注左合漢云云出初學記三江分云云出本疏今并合爲一條

初學引稱爲鄭元孔安國注殊不可解予據紹興四年東陽麻沙劉朝宗宅刻有右修職郎建陽縣丞福唐劉本序雖宋板下品究勝俗刻當無誤但徐堅不通經稱引舛錯不足怪而其爲此節之注則無可疑

若以左合漢云云爲下文導水之注三江分云云爲此節注則是鄭于南北中三江絕未提明何容突然直指三江分于彭蠡使措詞全無根蒂解經之體經文前後相涉者詳于前略于後此篇揚州旣先言三江然後導水言北江中江鄭自當于揚州先

說三江名義知左合漢云云必非導水之注也且江自會彭蠡以下東流入海則昔之靜海今之通州是更無別路知鄭云三孔卽指南北中也傳云江入震澤亂道已極身爲武帝博士具見圖籍者豈如此疏曲附之皆非也

又案曰三江異說最多傳疏已極誕妄導江傳又云有北有中南可知疏于彼文下引漢地理志之三江證之蓋孔傳魏晉人作故取漢志爲說志于會稽毗陵縣注北江在北東入海今本脫上北字從宋本增續漢志亦云北江此卽今岷江也吳縣注南江在南東入海此卽今吳松江也左氏謂之笠澤三國志注左慈在後漢書左慈傳曹操曰今日高會所少吳松江鱸魚始有松之名讀指郡名章懷太子止注松江二字不連吳陳書侯瑱傳續追侯景與戰敗于吳松江是時始有吳松之名丹陽蕪湖縣注中江出齒南東至會

稽陽羨縣入海此卽今荆溪也志謂至陽羨入太湖由湖以入海古人文法疎闊故如此非有誤也但此中江東流至陽羨者與今水道全不相合蓋高淳東壩自明洪武永樂兩番修築之後若宣州歙州及今廣德州齒境諸水悉從蕪湖以達大江不復涓滴入太湖惟廣德州東境及溧陽金壇宜興諸水總匯荆溪東入太湖耳故三吳水患少而水道遂與漢志相反東壩之所由始考周應合景定建康志云唐景福三年楊行密將臺濛作五堰施輕舸饋糧而中江之流始狹五年楊行密將臺濛作五堰施輕舸饋糧而中江之流始狹五堰者銀林堰在溧水縣東南一百里長二十里少東曰分水堰長十五里又東五里曰苦李堰長八里又五里曰何家堰長九里又五里曰余家堰長十里所謂魯陽五堰也後易爲

上下二壩通名東壩據此似東壩自臺濛其實元和志當塗縣有蕪湖水在縣南八十里源出縣東南之丹陽湖，南北流入大江則元和以前此地已置堰故水不東流而南北入江與漢志東至陽羨已不合矣然漢志中江雖至陽羨入震澤若毗陵之北江卽今通州入海之大江不入震澤也吳縣之南江卽松江乃震澤下流非入震澤者也二孔以此爲皆入震澤殊爲妄謬且此三江雖有南北中之名與導水之中江北江無涉卽與揚州三江無涉而二孔牽合爲一獨不思大江安流千古無易遠在震澤東北二百餘里由揚子入海此豈入震澤者而乃云江分爲三其人震澤豈非誤以漢志三江當禹三江誤以漢志三江之中江入震澤而遂以三

江皆入震澤邪

司馬貞史記
索隱誤同

再考江湖之通起于周末茲非

禹迹蓋漢志中江卽今蕪湖之縣河

流經市中東連黃池入三湖至銀林

高淳

之胥溪

在縣東南三十里

溧陽之永陽江

在縣北上承溧水卽瀨水

宜興之荆溪

自溧陽流逕縣南又東

匯爲洮湖東入震澤

卽

金

陵姑孰廣德及大江水東連三塔湖長蕩湖達荆溪震澤此

水三代以上本不相通中三五里輒有高阜猶是後代開鑿

所遺蓋春秋時吳王闔廬伐楚用伍員計開之左傳襄公三

季楚子重伐吳克鳩茲至于衡山

杜注鳩茲吳邑在丹陽蕪湖縣東衡山在吳興烏程

南哀公十五季楚子鹵子期伐吳及桐汭

杜注宣城廣德縣

石山南入丹陽湖皆由此道自是江湖始通河渠書東方則通溝江

淮之間卽夫差所開邗溝于吳則通渠三江五湖卽闔廬所

王光祿尚書後案

開胥溪也而後世誤以爲禹迹此說知禹時江湖本不通則知漢志南江中江與禹貢三江無涉

又案曰漢志南江中江固與禹貢三江無涉矣而又有分江水漸江水二條分江水出丹陽郡石城縣首受江東至餘姚入海過郡二丹陽會稽行千二百里漸江水出丹陽郡黝縣南蠻夷中東入海黝師古音伊字本作黝音同水經卷四十二云漸江水出三天子都北過餘姚東入于海酈注云山海經謂之浙江也其下卽引前志以證歷敍東北流入海原委至錢塘稱錢塘江與浦陽江合稱浦陽江此水本出山谿無勞疏鑿且與大江中隔重巒疊嶂斷無相通之事說文卷十一上水

部漸字注云水出丹陽黟南蠻中東入海浙字注云江水東至會稽山陰爲浙江漸浙本一水漸字注之江水當作漸江水若因其脫字疑爲大江支流可合浙江則萬無此理姑置勿論若所云分江水者班氏雖著其出石城但漢石城廢縣今在貴池縣南七十里已無復斯水信如首受江之說餘姚乃在浙江東岸又申隔寧國廣德湖州諸境皆重巒疊嶂此水安得越而東過至餘姚以入海此當闕疑乃水經卷二十八泗水中篇云泗水與江合流又東過彭蠡澤又東至石城縣分爲二其一東北流又過毗陵縣北爲北江其一東至會稽餘姚縣東人海此蓋附會漢志之分江水因漢志別有南江在吳南故不目曰南江而酈注則遂目爲南江并援郭璞

岷江松江浙江爲三江之說
璞先有水經注三卷今不傳此所引蓋出其中以此水與松江浙江強相貫通欲以附會一江分爲三目其說云南江東與貴長池水合又東逕宣城之臨城縣南
臨城廢縣在今青陽縣南又東合涇水桐水又東逕安吳縣南
晉分宛陵置又東旋谿水注之陽山下又東逕寧國縣南
晉分宛陵置又東逕故鄣縣南
廣德州安吉縣北
湖州府縣今屬又東北爲長瀆東注于具區謂之五湖口此下南江又分二派一派東出爲松江下七十里分爲三江口入海一派又東至會稽餘姚縣東入海以此二派合北江爲三江攷石城分江水今沒不可復見而所謂貴池水者池州府志言其入江處名貴口則是還復西注于江並非合分江水而東者此說已不足信就使本有此水由貴池至安吉

而爲南江以入太湖矣所謂松江者本承太湖何以見其上承分江水平其別派又何緣更有從餘姚入海之理平乃酈氏強爲之說竟謂南江自五湖口以東歷今烏程歸安德清石門海寧餘姚合浙江入海試思今諸暨之南餘姚之西北浙江與浦陽江同入海者自是漸江一派乃黟歙下流與貴池以下之水何涉乎以愚觀之班志分江水已沒不必深究水經兩水中篇經注皆舛謬斷不可信要之皆非禹貢三江也
班志南北中江其下各系以揚州川則是職方揚州之其禹貢三江原不以爲禹貢三江卽郭璞及水經注亦不以爲禹貢三江惟因國語卷二十越語子胥曰吳之與越三江環之韋昭注三江松江錢塘江浦陽江也然此但可以解國語不可以解禹貢而陸氏釋文竟強引以實之于是異說紛紛要之浙江自杭言之日錢塘自越言之日浦陽一江二名合流入海今分析爲二以配松江則并非職方之三江而豈可以當禹貢之三江邪皆非也

又案曰水經注松江上承太湖東逕笠澤流七十里江水奇分謂之三江口吳越春秋稱范蠡去越乘舟出三江之口入五湖之中者也此別爲三江五湖雖稱相亂不與職方同庾仲初揚都賦注曰今太湖東注爲松江下七十里有水口分

傳闡字仲初潁川鄖陵人作揚都賦爲庾闡世所重注疑闡自撰又見世說文學篇攷酈氏言三江口非

職方三江要亦非禹貢三江卽前人亦未有引此解經者陸

氏釋文始引吳地記曰松江東北行七十里得三江口東北

入海爲婁江東南入海爲東江并松江爲三江此與酈引庾

說同吳地記晉顧夷撰見隋經籍志而孔疏不取曰今南人以震澤之東別

有三江案職方揚州宜舉州內大川松江等雖出震澤人海

既近周禮不應舍岷山大江而記松江等小江此言卻是其後張守節史記正義于夏本紀解曰三江者在蘇州東南三十里名三江口一江鹵南上七十里至太湖名曰松江古笠澤江也一江東南上七十里至白蜆湖今在吳江縣東南四十里名曰上江亦曰東江一江東北下三百餘里入海名曰下江亦曰婁江于其分處號曰三江口俗儒注禹貢因之晉書文苑傳顧榮語張翰曰吾亦與子飲三江水耳范成大吳郡志今松江之源有小村落名三江口皆指此三江蓋自唐以後吳越爲財賦藪而松江入海之口亦漸淤塞宋范仲淹知蘇州論吳中水利宜開松江俾歸于海熙寧中鄭虞言禹時震澤爲患東有岡阜以隔截其流沿海田上高邱至今號爲岡身禹乃鑿斷岡阜疏一爲三江東入于海而震澤底定元祐中宜興單鍊著吳中水

利書亦以濬松江爲第一義矣不知言各有當松江等三江爲震澤之利害卽爲吳中水利之要領而禹時則吳下土曠人稀震澤入海處必皆深闊未嘗以此爲重不可執後世事解經也

震澤底定

釋文曰底之履
反史記音致

傳曰震澤吳南太湖名疏曰地理志云會稽吳縣故周泰伯所封國具區在鹵古文以爲震澤是吳南太湖名蓋縣治居澤東北故孔傳言南志言鹵周禮職方揚州數曰具區浸曰五湖五湖卽震澤若如志云具區卽震澤則浸藪爲一案曰傳云震澤卽太湖疏云卽具區亦卽五湖爾雅十數吳越間曰具區郭璞注具區今吳縣鹵南太湖卽震澤也山海

經浮玉之山北望具區郭注亦云太湖也案具區與震澤爲一太湖與五湖爲一二者不可牽混傳疏及郭氏皆誤周官九州有澤藪有川有浸揚州澤藪爲具區浸爲五湖旣以具區爲澤藪則震澤卽具區漢志云云是也五湖又別爲浸太湖乃其總名耳凡言藪者皆人資以爲利故曰藪以富得民非如浸但水之所鍾也

篠簜既敷

釋文曰篠西了反
或作篠他葬反

鄭曰篠箭簜大竹也

儀禮七卷大射儀疏
○戴凱之竹譜注

傳曰篠竹箭簜大

竹水去已布生

案曰鄭云篠箭者釋艸云篠竹箭是也又云簜大竹者儀禮大射儀簜在建鼓之間彼注但云簜竹也說文卷五上竹部

云筱箭屬小竹也瀉大竹也夏書曰瑤琨筱瀉是瀉大竹也厥草惟天厥木惟喬釋文曰天於喬反

厥草惟天厥木惟喬

釋文曰喬其嬌反徐音驪

馬曰天長也文釋傳曰少長曰天喬高也

案曰馬云云者周南桃夭篇毛傳以天爲少壯少壯則方長傳亦云少長也

厥土惟塗泥

馬曰塗泥漸洳也

史記夏本紀集解李昉等太平御覽三十七卷地部傳曰地皆水溼

案曰馬云云者魏風汾沮洳篇毛傳云其漸洳者是也

厥田惟下下厥賦下上上錯

傳曰田第九賦第七雜出第六

案曰田下下據鄭馬言地里下傳云田第九非也其云賦第

七雜第六是也

厥貢惟金三品

鄭曰金三品者銅三色也

公同書疏詩二十之一卷魯頌泮疏○禮記二十四卷禮器疏○周禮三十六卷秋官職金疏○史記夏本紀集解王曰三品金銀銅也

詩魯頌泮水疏○傳同

案曰鄭云金三品者銅三色也者秋官職金疏云古言金有兩義對言金銀銅鐵爲異訛言總謂之金攷工記六分其金而錫居一等凡六種內有鐘鼎鑾燧則所謂金者皆銅而職金云掌受士之金罰入于司兵則罰辜之金用作兵器者是銅僞孔于舜典呂刑贖罪皆以爲銅故鄭以此三品爲銅三色也今以目驗銅有黃白赤三色禹時亦當然也王乃云金銀銅黃金白銀既不爲幣施于器又寘王注非也

瑤琨篠簜

釋文曰瑤琨音遙琨漢書亦作瓊師古音昆篠說文作箋已見上文

王曰瑤琨美石次王者也

尚書疏○王天與傳書纂傳四卷

傳曰瑤琨美玉

案曰王云瑤琨美石次王者也者說文卷一上玉部云瑤玉之美者琨石之美者虞書曰揚州貢瑤琨玉篇卷上玉部第七同衛風木瓜釋文云瑤美玉也說文云美石則今本作玉之美者乃傳寫之誤陸德明所見說文瑤亦石之美者故王肅以瑤琨皆爲石次王者也

齒革羽毛惟木

傳曰齒象牙革犀皮羽鳥羽毛旄牛尾木梗梓豫章

島夷卉服

釋文曰卉徐許貴反

鄭曰此州丁溼故衣卉照貢其服者以給天子之官

尚書疏○林之

奇尚書全解八卷

案曰鄭云貢其服者以給天子之官者地官掌葛徵艸貢之材于澤農彼注云艸貢出澤蕡紵之屬可緝績者是也厥筐織貝

鄭曰貝錦名詩云萋兮斐兮成是貝錦凡爲織者先染其絲乃織之則文成矣禮記曰士不衣織尚書疏○又兗州疏○王天與尚書纂傳四卷○史記夏本紀集解傳曰織細紵貝水物

案曰鄭引詩者小雅巷伯篇文彼毛傳云貝錦錦文也彼筭云錦文如餘泉餘蟻之貝文是也傳以織貝爲二物然經但曰織安知其必爲細紵貝果水物不當入筐傳說非也厥包橘柚釋文曰橘均必反抽由究反

皇清玉詒

卷八

王光祿尚書後案

七

傳曰小曰橘大曰柚其所包裹而致者

案曰傳以橘柚一物但大小異說文卷六上木部云橘果出江南柚條也似橙而酢夏書曰厥包橘柚傳微誤也又云其所包裹而致者者木瓜詩箋云以果實相遺者必苞苴之卽引此經以證是鄭意與傳同也

錫貢

鄭曰有錫則貢之或時乏則不貢錫所以柔金也

尚書疏○林之奇尚書全解入卷○史記夏本紀集解

王曰橘與柚錫其命而後貢之不常入當繼荊州之無也

尚書疏

傳曰錫命乃貢言不常也

案曰鄭云云者職方揚州產錫攷工記云攻金之工掌執金錫之齊是錫以柔金非其常貢故有則貢乏則不貢也豫州

錫貢自爲錫命乃貢同文不嫌異解也王肅解此亦錫命乃貢者其意以橘柚本產荊州揚特繼其乏耳下荊州包圃菁茅王以包爲句注云揚州厥包橘柚從省而可知也疏申王意云揚州厥包文在筐下以不常故荊州文在筐上者荊州橘柚爲善故常貢揚州則不常也案包圃連文自屬一事截包作句以爲橘柚割裂穿鑿之甚且揚州明言橘柚荊州則焚無橘柚字反謂荊州常貢而揚州特繼其乏亦殊違反皆非也

沿于江海達于淮泗

釋文曰沿悅專反鄭本作松松當爲淤馬本作均

鄭曰松讀曰沿沿順水行也

釋文○史記夏本紀集解

馬曰均均平

釋文傳文

曰順流而下曰沿沿江入海自海入淮自淮入泗

案曰鄭云松讀曰沿者篆文沿作船松作船二字相似而誤史漢及馬皆作均裴駟引鄭注亦作均者順史記之文耳其實鄭作松也松字無理已極鄭破其讀猶不改其字鄭于諸經破讀者皆如此或疑鄭好改經字非也鄭又云沿順水行也者說文水部云沿緣水而下也引春秋傳王浴夏爲證是也據揚州沿江海可見是巡行州境非達帝都矣不然荆可陸行逾洛梁可陸行逾河揚亦可浮于江而遵陸以逾于淮禹陸載車泥蹈毳手足胼胝豈憚此二三百里陸路之勞必貪舟行之逸遠從大海而逆上邪蓋必順水而行沿江入海自海南行施功震澤禹時不但江淮未通卽朱方江口入吳之道亦未有故必于沿江入海之後再自海入淮自淮入泗然後巡行州境徧也

又案曰禹必沿江入海自海入淮者爲欲徧巡州境非爲邗溝未開江淮未通之故然通江淮之迹亦不可不攷左傳哀九季吳王夫差十季吳城邗溝通江淮杜注于邗江築城穿溝東北通射陽湖鹵北至末口入淮通糧道也吳越春秋亦云吳將伐齊白廣陵闢江通淮案胡三省云廣陵故城謂之蕪城樂史云蕪城卽揚州江都縣城但云古爲邗溝城大非邗地名于其地築城號邗城城下掘深溝引江水東北通射陽湖其城應在大江濱第代遠無復遺址近志實以蜀岡上遺迹恐非又案此水一名渠水漢志江都縣有渠水首受江北至射陽入湖是也一名中瀆水水經注中瀆水首受江于江都縣縣城臨江昔吳將伐齊北霸中國自廣陵城東南築邗城城下掘深溝謂之韓江山陽浦又東入淮謂之山陽口是也山陽本漢射陽縣屬臨淮郡晉義熙中改山陽縣射陽湖在縣東南八十里縣鹵有山陽瀆卽古邗溝其縣北北神堰卽古末口也後哀十三季吳又會晉于黃池國語云夫差起師北征爲深溝于商魯之間北屬之沂鹵屬之沛

以會晉公午于黃池既退使告勞于周曰余沿江泝淮闢澗深水出于商魯之間此所沿泝者非卽邢江至末口之道仍沿江入海自海入淮之道也蓋邢溝雖開但通糧道其水未能深廣吳人戰艦必不由此故哀十季公會吳伐齊左傳云徐承帥舟師將自海入齊齊人敗之吳師乃還十三季黃池之役於越入吳國語云越王勾踐命范蠡舌庸率師沿海泝淮以絕吳路使伐齊由邢溝則徐承何獨帥舟師汎海其自會而歸越師欲絕其路亦必泝江不泝淮矣故知吳王沿江泝淮仍不由邢溝也蓋自吳人爭霸上國始通江淮而道猶淺狹且地勢江高淮下水尙北流非南注也孟子言淮泗注江此一時誤記不合禹貢鄭樵謂其據夫差之道爲禹迹亦

非蓋夫差乃引江入淮與孟子排淮注江正相反

朱子曰孟子波汝漢

排淮泗而注之江此但作文取其字數足以對偶耳若以水路之實論之便有不通欲強爲之說徒爲穿鑿卒不能通也如沈括引李習之南來錄云自淮沿流至高郵乃泝于江因謂淮泗入江乃禹之舊迹故道宛然此說甚似其實非也案禹貢淮水出桐柏會泗沂入海故列泗瀆正以其專達于海耳若如所說則禹貢當云南入于江不應言東入于海而亦不得爲瀆矣且習之沿泝二字亦未當蓋古今往來淮南只行邢溝運河皆築埭置閘儲閉潮汐以通漕運非流水也若使當日自有禹迹故道可通舟楫則不須更開運河矣故自淮至高郵不得爲沿自高郵入江不得爲泝而習之又有自淮順潮入新浦之言則是入運河時獨隨淮潮而入有似于沿意其過高郵後又迎江潮而出故復有似于泝而察之不審致此謬誤今人以是說孟子是以誤益誤也考水道之變改實始于隋程大昌云

邗溝南起江北通射陽湖抵末口入淮者吳故渠也隋開皇七季將伐陳韓擒虎于揚州開山陽瀆以通漕運比射陽末口則爲鹵矣八季數道伐陳營舟師乃不出淮而出東海則

山陽之瀆雖稍增廣猶不勝戰艦至大業初大發淮南兵夫十餘萬開邗溝自山陽至揚子入江三百餘里闊四十步可通龍舟而後淮始達江也蓋加濬深闊又變曲爲直北水南注江流反爲所遏孟子一時誤記之言至此乃驗以上所敍通江淮始末乃自周季下迄隋代事近儒闇若璩胡渭長于攷據爲詳著之而此道之非禹迹乃明禹所以必沿江海達淮泗之故亦益明

荆及衡陽惟荊州

鄭曰荊州界自荆山南至衡山之南莊十年公羊傳疏傳曰北據荆山南及衡山之陽疏曰北至荆山之北故言據南及衡山之陽其境過衡山也

案曰鄭云荊州界自荆山南至衡山之南者地理志禹貢商條荆山在南郡臨沮縣東北衡山在長沙國湘南縣東南今湖北襄陽府南漳縣有荆山本漢臨沮地湖南衡州府衡山縣有衡山本漢湖南地鄭意荊州北界起自荆山不越荆山而北自此而南其南界則越過衡山之南也疏附會至荆山北則侵豫梁地非也

又案曰殷有荆無梁爾雅漢南曰荊州郭注自漢南至衡山之陽漢水出嶓冢梁州山也自嶓冢以東至大別凡在漢水之南者皆爲荊州案李巡言殷時雍兼梁地玩郭氏漢南皆荆之說則梁地荆亦兼之不盡歸雍自大別以東江南之地爲揚所侵大別以南漢東之地亦皆入豫荊州之境縮于東

北而羸于鹵南也周禮正南曰荊州其山水如衡山雲瞢江漢皆合禹貢惟其浸頴湛可疑鄭云頴出陽城宜屬豫州在此非也湛未聞案漢志頴水出頴川陽城縣陽乾山東至下蔡入淮湛水見杜預左傳注襄十六年晉楚戰于湛阪注云襄城昆陽縣北有湛水東入汝頴湛皆在河南淮北周若割以屬荆則斗入豫域七八百里故鄭闕疑又周承殷制亦有荆無梁賈公彥言雍豫並兼梁地顏師古亦言周併梁合雍而皆不及荆殆未察漢南曰荆之義蓋荆豫皆以漢水爲界梁州漢北之地豫兼之漢南之地荆兼之其疇家以鹵也

又案曰以今輿地約之湖北武昌漢陽安陸黃州德安荊州

宜昌施南等府及襄陽之南境湖南全省及四川敍州重慶夔州等府之江南地廣西桂林貴州遵義等府皆荊州域也

江漢朝宗于海

釋文曰朝直遙反

鄭曰江水漢水其流遙疾又合爲一共赴海也猶諸侯之心尊天子而朝事之荆楚之域國有道則後服國無道則先彊故記其水之義以著人臣之禮尚書疏○林之奇尚書全解八卷○毛詩十一之一卷小雅河水疏○又十之三之一卷小雅四月疏傳曰二水經此州而入海有似于朝疏曰詩河彼流水朝宗于海是假人事言水

案曰鄭云江水漢水其流遙疾又合爲一共赴海也者導漢至于大別南入于江東爲北江入于海是也又云猶諸侯之心尊天子而朝事之者春官大宗伯以賓禮親邦國春見

曰朝夏見日宗秋見日觀冬見日遇又典瑞公執桓圭侯執信圭伯執躬圭子執穀璧男執蒲璧以朝觀宗遇會同于王是也又云荆楚之域國有道則後服國無道則先彊者僖四年公羊傳盟于召陵喜服楚也楚有王者則後服無王者則先叛揚雄荊州牧箴杳杳巫山在荆之陽江漢朝宗其流湯湯風慄以悍氣銳以剛有道後服無道先彊釋地李巡注云荊州其氣燥剛稟性強梁故曰荆荆彊也釋名云荊州者荆警也南蠻數爲寇逆嘗警備故也是也

九江孔殷

鄭曰殷猶多也九江從山谿所出其孔眾多言治之難也地理志九江在今廬江尋陽縣南皆東合爲大江尚書疏○莊季宣書古文

訓三卷○林之奇尚書全解八卷○程大昌禹貢論上卷○又禹貢山川地理圖○毛晃禹貢指南三卷○史記夏本紀集解○玉海二十卷地理門○又再見○羅泌路史餘論十卷○傳曰江于此州界分爲九道甚得地勢之中疏曰傳以大江分而爲九鄭云云鄭意九江各自別源下流合于大江孔鄭別解應劭注地理志云江自潯陽分爲九道符于孔說

案曰鄭云殷猶多也者鄭風潦洧殷其盈矣毛傳云殷眾也說文卷八上勇部云殷作樂之盛稱引易殷薦之上帝爲證眾盛皆多也又云九江從山谿所出其孔眾多者釋文曰九江潯陽地記云一曰烏白江二曰蚌江三曰烏江四曰嘉靡江五曰畎江六曰源江史記索隱源作沙七曰廩江八曰提江九曰箇江張須元緣江圖云隋志索隱作張須元江圖一卷一日三里江二

曰五州江索隱作五畎三曰嘉靡江四曰烏土江五曰白蚌江六曰白烏江七曰箇江八曰沙提江九曰廩江參差隨水長短或百里或五十里始于鄂陵終于江口會于桑落洲是其孔眾多也史記孔殷作甚中故僞孔訓中殷中爾雅釋言文是亦得備一義也鄭又引漢地理志云云者楚考烈王自陳徙都壽春秦滅楚以其都置九江郡酈道元淮水注云秦九江之地故以九江名之補案江北廩江有尋陽九江江南豫章有湖漢九水二處皆可稱九江然郡治在江北究以尋陽九江得名高帝更爲淮南國尋陽縣屬焉文帝析爲廩江郡尋陽改屬廩江武帝又復淮南國爲九江郡尋陽屬廩江如故班氏于尋陽曰禹貢九江在南云云應氏于九江郡曰江自廩江尋陽分爲九江并改豫章郡曰九江郡柴桑縣曰九江亭

九江郡曰延平郡後漢復故故司馬彪郡國志仍曰廩江郡尋陽縣南有九江也漢尋陽在江北今黃州府蘄州東潯水城一名蘭池城是故云九江在南東晉成帝咸和中溫嶠始移于江南則九江在縣北矣通典云尋陽舊縣在江北蘄春郡界蘄春今蘄州黃梅縣也縣南七十里有九江城漢九江王黥布所築也東晉移于江南今九江府德化縣南十五里是非漢尋陽也又江圖云始鄂陵終江口會桑落洲者今桑落洲在九江府城東北五十里江中鄂陵今黃州府武昌縣縣志云江入縣境過市洲至雙柳夾又自崢嶸洲過磧磶至大洲爲三江口者是又水經注江水東逕軼徒系反縣故城南城對五洲江中有五洲相接故以爲名漢軼縣今蘄水縣五洲江在此縣界寰宇記云軼江五阜洲在黃梅縣南一百十

里是尋陽尤江遺迹唐宋猶存也

又案曰釋文引地記曰九江劉歆以爲湖漢九水入彭蠡澤也

湖漢見揚州

案湖漢亦得名九江莽改豫章曰九江以此但九

水注于彭蠡前言彭蠡既豬盡之矣與大江經流無涉且通典以湖漢水隸揚州非荊州也又導水云過九江而後云東

迤北會于匯如湖漢九水爲九江則是九江卽匯矣劉歆說非是汲郡紀年康王十六年王南巡狩至九江廬山史記河

渠書余南登廬山觀禹疏九江劉淵林吳都賦注九江經廬

山而東此三條似皆當爲湖漢九水與禹貢荊州九江無涉

沱潛旣道

釋文曰沱徒何反潛捷廉反○案曰潛史記作沱漢書作瀘古字通也

鄭曰爾雅釋水云水自江出爲沱漢別爲潛今南郡枝江縣

有沱水其尾入江耳首不于江出也華容有夏水首出江尾入沔蓋此所謂沱也潛則未聞象類尚書疏○黃度尚書說一卷○史記夏本紀集解○三國志四十七卷吳志吳主傳裴松之注○水經二十七卷河水篇注○案曰此沱尾入江首不于江出二句樂史太平寰宇記七十八卷引作東別爲沱句下之注實則此句下之注也樂史全無學識信手妄引今正馬曰沱湖也其中泉出而不流者謂之潛

釋文傳曰沱江

別名潛水名皆復其故道

案曰鄭引釋水爲據而云枝江非沱夏水是沱者漢志南郡枝江縣江沱出鹵東入江顏師古曰沱卽江別出者也水經江水過夷道縣北今宜都縣鹵有夷道故城又東過枝江縣南酈注云江水東逕上明城北晉移荊州刺史治此在今松滋縣界江沱枝分朱謀璋曰江

朱謀璋東人大江縣治洲上故以枝江爲稱地理志曰江沱出

謬是清經解

卷一百一十五 王光祿尚書後案

三

南爲
志無南字此衍東入江是也枝江故城在今縣東東北六十里有百里洲與江陵分轄水經又云又南過江陵縣南注云縣江有洲曰枚回洲江水自此兩分而爲南北江據地志水經皆以枝江爲沱而鄭不取乃以夏水當之者寰宇記云江自枝江縣百里洲首派別南爲外江北爲內江考南江自枝江縣南又東逕公安縣卤又東南爲涔水歷澧州東北合澧水經華容縣南入赤沙湖又東南逕安鄉縣卤東南入洞庭與北江會所謂外江也北江自枝江縣北又東逕松滋縣北又東逕江陵縣南又東逕公安縣北又東逕石首縣北又東逕監利縣南夏水出焉北江又東至巴陵縣卤北會洞庭所謂內江也北江爲大江之經流而夏水出焉自爲一派以入于漢與爾雅合故以夏水爲沱

若枝江則特因江中有一百里大洲岐江而爲二謂之分則可謂之自江出則不可故鄭云其尾人江耳首不于江出也地理志言江沱出枝江卤恐未然酈氏云江汜枝分東入大江則是水沒復入曰汜卽詩所云江有汜是也乃又引地志之江沱以證則微誤矣若鄭所稱夏水者漢志云華容有夏水首受江東入沔水經云夏水出江流于江陵縣東南又東過華容縣南又東至江夏雲杜縣入于沔酈注云江津豫章口東有中夏口在今荆是夏水之首江之沱也閭氏若璩也今本誤作江之沱也水自江出爲沱此正夏水初分出江處也于沱爲合水沒復入爲沱此非夏水至雲杜入沔處也不合然則地志水經注雖有二說而夏水之義不可易矣今考華容夏水自江陵縣東南首受北江東北流逕監利縣

河陽州與潛江縣分界又東北至京山縣東南注于漢此正沱水也鄭又云潛則未聞象類者闕疑不強說也馬云沱湖也說文湖大陂川澤所仰以灌漑沱乃江別非湖馬注與爾雅不合非是傳于梁州以荊州沱潛與梁州沱潛爲一尤非雲土夢作乂釋文曰徐本作云夢亡弄反一音武仲反徐莫公反○案曰夢溪筆談舊尚書云雲夢土作乂唐太宗時得古本作雲土夢作乂詔改從古本案史記漢書共作雲夢土繹孔傳亦作雲夢土蓋皆魏晉所改唐太宗時馬鄭所注尚存所得殆馬鄭本也今從之

傳曰雲夢之澤在江南其中有平土邱水去可爲東售畎畝之治

案曰傳以雲夢爲一非也左傳定四年吳人入郢楚子涉睢與淮濟江入于雲中王寢盜攻之以斬擊王王奔郢郢在江同

縣是則雲在江北明矣楚語王孫圉曰楚有藪曰雲龍昭注雲夢藪澤也昭注雖連言夢其實王孫圉乃單舉雲也昭三年鄭伯如楚王以田于江南之夢則夢在江南明矣宣四年鬪伯比淫于郢子之女生子文郢夫人使棄諸夢中郢子田見之却同地在江北郢夫人欲掩醜事故使涉江而南棄兒遠地以滅其迹不意郢子又涉江而田見而收之是天欲顯子文靈異耳可見夢在江南也

雲地勢最下方始土見夢則地勢差高非特土見人有耕治之者矣雲夢本二地故分言之孔傳以爲一澤專在江南非也

又案曰經分紀雲夢其時尙未爲澤也下逮殷周時代變易陵谷遷改漫爲澤藪故周禮職方氏爾雅釋地遂合稱之鄭周禮云雲夢在華容漢華容縣跨江今監利石首二縣地監利在江北石首在江南然左傳猶雲自雲

夢自夢未嘗溷也自後諸儒以二澤合稱或互稱偏稱戰國策楚王游于雲夢結駟于乘宋玉高唐賦楚襄王與宋玉游于雲夢之臺司馬相如子虛賦吞雲夢者方八九百里漢志南郡華容縣雲夢澤在南荊州敷編縣有雲夢宮江夏西陵縣有雲夢宮華容見上編今荊門州西陵今斬州黃岡麻城皆江北水經注雲杜縣東北有雲夢城見泗水雲杜今京山江北又云夏水東逕監利縣南縣土卑下澤多陂陼西南自州陵東界逕于雲杜沌陽爲雲夢之藪見夏水州陵今河陽州沌陽今漢陽皆江北此皆合稱也杜預注夢中云夢澤名江夏安陸縣東南有雲夢城注雲中云入雲夢澤中所謂江南之夢夢在江南而引江北安陸以明之雲在江北而引江南之夢以明之又注江南之夢云楚之雲夢跨江南北此則

互稱矣郭璞注爾雅云雲夢今南郡華容縣東南巴邱湖是也此則偏稱江南不及江北矣後漢書法雄遷南郡太守郡有雲夢數澤李賢注雲夢澤今在安州唐安州今德安府治安陸縣此則偏稱江北不及江南矣諸說錯雜要不得因此而疑禹貢雲夢不分南北本無定處也以今輿地言之江北之荆門京山泗陽監利安陸漢陽黃岡麻城蘄州古雲所在江南之枝江石首巴陵古夢所在也

厥土惟塗泥厥田惟下中厥賦上下

傳曰田第八賦第三人功修

厥貢羽毛齒革惟金三品

傳曰土所出與揚州同

皇清涇解

卷四十一

王光祿尚書後案

信

柟榦栝柏

釋文曰：柟，勑倫反。徐，勑荀反。又作櫟。榦，本又作幹。故日反。括古活反。

案曰：說文卷六上木部柟木也。夏書曰：柟榦栝柏俗以榦作幹非也。又彼柟重文作櫟。鄭注周禮三十九考工記亦引作櫟。

鄭曰：柟榦栝柏四木名。

疏○周禮三十九卷攷工記

馬曰：栝白栝也。

釋文傳曰：榦柘也。

疏○史記夏本紀集解

案曰：考工記弓榦柘爲上。知榦是柘也。

釋文云：栝柏葉松身曰栝。

詩三之三卷衛風竹竿疏

案曰：鄭云：榦柘榦者說文木部柘桑也。皇矣詩其糜其柘。彼疏引郭璞釋木注糜桑柘屬材中爲弓是榦爲弓。榦弓榦柘爲上糜桑次之故以榦爲柘榦也。又云柏葉松身曰栝者爾雅釋木說文木部衛風竹竿毛傳俱有其文但栝俱作檜說文別列栝字與檜音義俱異然說文引此經作栝所引是孔氏古文與鄭必合是栝檜通也。

礪砥砮丹

釋文曰：礪力世反。砥音脂徐之履反。韋昭音旨。砮音奴韋昭乃固反。

案曰：說文卷九下石部砮石可以爲矢。簇夏書曰：梁州貢砮丹。梁州砮磬非砮丹。梁當作荆也。

說文礪在新附公劉取厲。儒行砥厲廉隅哀十六年勝自厲。劙皆不从石。砥厂部底字重文。

鄭曰：礪磨刀刃石也。

精者曰砥。尚書疏○傅寅禹貢集解一卷王曰：丹可以

爲采。

尚書疏○傳寅禹貢集解一卷王天與尚書纂傳四卷傳曰：砥細于礪皆磨石砮

石中矢簇丹朱類。

案曰：鄭云：礪磨刀刃石也。者大雅公劉詩取厲取鍛。鄭云：鍛厲斧斤之石是也。王云：云者說文丹巴越赤石以赤爲主。黑白皆其類故可爲采也。

惟箇鎔楨三邦底貢

釋文曰：箇求隕反。鎔音路。楨音戶。○案曰：說文卷五上竹部鎔字注云箇鎔也。夏書

曰：惟箇鎔楨又重文。鎔字注云古文鎔从輅許慎與鄭俱傳孔氏古文則宜作鎔而說文卷六上木部引又直作輅傳寫誤也。

皇清經解

卷之三

王光祿尚書後案

三

鄭曰箇箙貽風也楨木類周之始肅慎氏貢楨矢石砮此州中生貽風與楨者眾多三國致之尚書疏○林之奇尚書全解八卷○史記夏馬長笛賦注馬曰楨木名可一卷○周禮三十九卷攷工記疏○史記夏馬曰楨木名可本紀集解○文選十八卷馬季長傳寅禹貢集解一卷以爲箭釋文○傳寅禹貢集解一卷傳曰箇箙美竹楨中矢王天與尚書纂傳四卷幹三物皆出雲夢之澤近澤三國常致貢之

案曰鄭云楨木類者木部枯字注云橐也夏書曰惟箇箙枯木名也枯本訓橐木名則別是一我彼部別列楨字注云木也引詩榛楨濟濟爲證而此經則刀于枯字不引于楨字則知此經當作枯鄭必與之同今作并鄭注賈公彥亦引作楨俗儒改也且詩釋文引陸機艸疏備言楨木可箒以爲笪又可屈以爲釵不言可爲矢鄭以枯中矢材且楨是

木名何言木類則

也又云周之始肅慎氏貢楨矢

石砮者國語卷五魯語云武王克商通道于九夷八蠻使各以其方貢來貢于是肅慎氏貢楨矢石砮其長尺有咫韋昭注砮也以石爲之是也馬云云者馬亦必作枯與鄭同也厥名包匱菁茅疏曰鄭元以厥名下屬包匱菁茅○釋文曰菁子丁反徐音精馬同

鄭曰匱猶纏結也菁茅茅之有毛刺者給宗廟縮酒重之故既包裹而又纏結也尚書疏○釋文○林之奇尚書全解八卷○史記夏本紀集解馬曰言箇箙楨三國所致貢其名美也史記夏本紀集解王曰包揚州厥包橘柚從省而可知也尚書傳曰包橘柚匱匪也菁以爲菹茅以縮酒

案曰鄭云菁茅給宗廟縮酒者僖四年左傳文也王肅以包

爲句匱善茅別爲句而僞孔從之云包者卽橘柚而匱者爲
善茅僞孔又以善茅爲二物左傳齊桓公責楚包茅不入管
子二十四輕重丁篇稱江淮之間一茆三脊名曰善茆是包
茅相連包不可別爲橘柚善茅茅名不可分而爲二也又馬
融以厥名上連三邦底貢爲句僞孔亦從之鄭以厥名下連
包匱善茅爲句則句法與厥土厥田厥賦厥貢厥匱一例亦
當從鄭馬孔皆非也

厥筐元纁璣組釋文曰璣其依反又音機馬同王篇渠依居沂二反

馬曰組文也釋文曰此州染元纁色善故貢之璣珠類生于水組綬類

案曰馬云組文也者邶風簡兮毛傳云組織組有文章是也

九江納錫大龜

馬曰納入也釋文傳曰尺二寸曰大龜出九江水中龜不常用錫命而納之

案曰馬云納人也者納錫史記作入賜放入卽古文內見南宮中鼎堯典出內朕命內亦作入是也賜卽古文錫見儀禮注下賜土姓同也

浮于江沱潛漢逾于洛至于南河釋文曰本或作潛于漢非。于漢於非是。案曰史記作沱。

傳曰逾越也河在冀州南東流故越洛而至南河

案曰浮江沱潛漢荆楚境巡行已徧洛與南河則豫州地逾洛至南河者將治豫也兗州疏謂九州之次卽施功之次治

水從下起冀帝都河入海處故首冀餘八州鹵高東下治之從東而鹵充最下故次冀雍最高故最後是也

荆河惟豫州

鄭曰豫州界自荆山而北至于河詩四之一卷王風譜疏傳莊十年公羊傳疏

曰鹵南至荆山北距河水

案曰鄭云豫州界自荆山而北至于河者南條荆山其陰爲豫州其陽爲荊州乃豫之南界傳兼言鹵非也

又案曰爾雅河南曰豫州漢南曰荊州呂覽亦云河漢之間曰豫州此所言皆殷制也荆豫二州禹以荆山爲界殷以漢水爲界河之南漢之北則豫州也殷無梁州蓋豫州亦兼梁地周禮河南曰豫州其山鎮曰率山其澤藪曰圃田其川滎

雒其浸波溠率山圃田滎雒皆在禹貢豫州域惟波溠可疑

鄭注云波讀爲播禹貢曰滎播既鄰春秋傳曰楚子除道梁溠營軍臨隨則溠宜屬荊州在此非也見莊公四年案波卽滎播

說詳下文溠水水經注云出隨縣西北黃山南逕澗鹵縣鹵

又東南逕隨縣至安陸入沔溠旣合湧自下通稱則溠在漢

山東南逕隨縣至安陸入沔溠旣合湧自下通稱則溠在漢

北而鄭云宜在荆者蓋周時豫州不全得漢北地割以屬荆

故于豫州曰河南與爾雅同而于荊州曰正南不曰漢南明乎兼有漢北與殷制異也馬融廣成頌浸以波溠融意亦未嘗指爲豫州域

又案周亦無梁州豫亦兼有其地當在率山之陽嶓冢之東也又王

制曰自南河至于江千里而近鄭云豫州域自江至于衡山

千里而遙鄭云荊州域然江北之地不盡屬豫而多有屬荆者荆豫本非以江爲界則鄭云云亦約略言之耳

又案曰以今輿地約之河南之河南開封陳州歸德南陽汝寧六府許陝汝光四州及直隸大名府山東曹州府江南潁州府之鹵境湖廣襄陽府德安府之北境鄖陽府之東境皆豫州域也

伊洛瀍澗既入于河

釋文曰瀍道然
反澗故晏反

傳曰伊出陸渾山洛出上洛山澗出澗池山瀍出河南北山四水合流而入河疏曰地理志伊水出宏農盧氏縣東熊耳山東北入洛洛水出宏農上洛縣冢領山東北至鞏縣入河瀍水出河南穀成縣簪亭北東南入洛澗水出宏農新安縣

東南入洛志與傳異者熊耳山在陸渾縣鹵冢領山在上洛縣境之內澗池在新安縣鹵成簪亭北此卽是河南境內之北山也志詳而傳略所據小異耳

案曰四水所出地志是傳多誤疏旣引地志又曲護傳皆非也今考漢陸渾盧氏本二縣熊耳山在盧氏縣鹵南五十里不與陸渾接界安得以熊耳爲陸渾縣鹵之山而云伊出陸渾山乎陸渾山乃在今嵩縣東北四十里伊水經其下非出也新安龜池亦本二縣澗水出新安穀水出龜池雖下流同得通稱而上源本異今乃云澗出澗池山是以穀源爲澗源也此不惟略也而且誤矣至于河南穀成亦本二縣魏始省穀成入河南晉因之故晉書地理志河南郡有河南無穀城

傳云瀍出河南北山是豈古漢時穀城山已爲河南縣地乎
若謂河南指郡言則上文伊出陸渾山洛出上洛山澗出澔
池山皆縣也何獨于瀍而言郡不言縣乎孔安國爲武帝博
士具見圖籍所言瀍不如此知爲魏晉人僞撰也伊出陸渾
澗出澔池
顏師古皆承其誤惟瀍出河南漢上洛縣卽今陝西商州治
北山改爲出穀城山其說是

盧氏縣今屬河南陝州新安縣今屬河南府穀城故縣在今
洛陽縣西北

又案曰伊水漢志出宏農郡盧氏縣熊耳山東今在縣西南五十里東連永寧南接內鄉與志在縣東者小東北入雒過郡一行四百異縣治移也盧氏故城今在縣東東北入雒過郡一行四百五十里水經卷十五云伊水出南陽縣肉蔓渠山酈注山海經云蔓渠山地志云熊耳山卽麓大同陵轡互別耳水自熊耳東北逕東亭城南案東亭故城在今嵩縣南七十里東北

逕郭落山又東北過陸渾縣南酈注伊水歷崖口山峽卽古
三龜山又東北逕伏流嶺東
案陸渾今爲嵩縣三龜山在縣
酈注又
南南十里又縣北有伏流域城
又東北過新城縣南酈注又
北逕高
都城東案今洛陽縣南七十五里有新
酈注又
城漢爲縣高都城在今洛陽縣南
又東北過伊闢中酈注又
今
洛陽縣南三十里兩山相對望之若闢漢賈讓言大禹治
水辟伊闢而伊闢不見禹貢然云既入于河則辟闢之功見
矣又東北至洛陽縣南北入于洛以今輿地言之盧氏嵩縣

伊陽洛陽界中皆伊水所經也洛水漢志出宏農郡上雒縣
冢領山東北至聳入河過郡二行千七十里豫州川水經洛
水出京兆上洛縣譙舉山東北過盧氏縣南又東北過蠡城
邑之南故蠡城在今永寧縣鹵又東北過宜陽縣南故城在今宜陽縣東北十四里又
東北過河南縣南詳見下文又東過洛陽縣南詳見下文伊水從鹵來
注之又東過偃師縣南鄭注與綠氏分水案今偃師縣治卽
偃師故城古鹵毫也縣南二十里有

侯氏故城又東北過鞏縣東故城在今縣南三十里又北入于河之洛汭謂以

今輿地言之商州盧氏永寧宜陽洛陽偃師鞏縣界中皆洛水所經也

近世洛水過汜水縣北入河則又移于東矣詳見導洛

瀍水澗水見周書洛

誥周公曰我乃卜澗水東瀍水鹵惟洛食謂王城也我又卜瀍水東亦惟洛食謂下都也漢志河南郡穀成縣注曰禹貢

瀍水出晉亭北東南入雒

續漢志同劉昭注引博物記曰出濬亭山括地志曰故穀城在河南縣鹵北十八里鹵臨穀水左傳定八年周大夫儋翩叛單子

伐穀城卽此漢置穀城縣魏省入河南縣自故城鹵北又十二里有穀城山東連孟津縣界卽博物記所謂晉亭山也

宏農郡新安縣注曰禹貢澗

水在東南入雒

案新安無雒此云南入雒要其歸也其源實澗水東合穀至河南城鹵入洛耳

龜池

縣注曰穀水出穀陽谷東北至穀成入雒案瀍澗始見禹貢繼見洛誥而澗與穀異源同流澗東流穀東北流折而會于

新安縣東南谷關南二水爲一自下通稱故書有澗水無穀

水也周東都王城漢爲河南郡之河南縣其故城在今河南府洛陽縣鹵北

卽周公所城洛邑也亦卽鄭廓又稱東下都

漢爲洛陽縣河南郡治其故城在今洛陽縣東北

周時又稱成周敬王

自王城徙都此東漢都此爲河南升治魏晉及元魏亦都之

二城東鹵相去四十里而今洛陽縣居其中

隋大業初營新都于今洛陽縣二縣並移城內金又省河南入洛陽古時澗水

經河南故城鹵而南入洛瀍水經河南故城東而南入洛二

水各自入洛故澗水東瀍水鹵爲王城而瀍水東爲下都洛

誥之文甚明也自周靈王時穀洛鬪

澗卽穀將毀王宮于是壅

穀水使東出于王城之北則其勢必入于瀍水于是澗瀍合

流皆歷王城之東以南注于洛而所謂澗水東瀍水鹵者大

非其舊爲水道之一變矣

周語靈王二十二季穀洛
壅之太子晉諫引其工伯鯀事爲
戒王卒壅之韋昭注云關者兩水格有似于關洛在王城之

南穀在王城之北東入于瀍至靈王時穀水盛出于王城之
鹵而南流合于洛水毀王城鹵南壅之者壅防穀水使北出
也郭緣生述征記曰穀洛二水本于王城東北合流所謂穀

洛關也酈注引韋說以折緣生之謬但緣生謂穀水在王城
東北固失之而韋謂在城之北亦未確蓋穀水出王城之鹵

而南合洛水者其故道也靈王時偶值暴雨兩川相觸故謂
之關非穀水本出城北入瀍而今忽改道出城鹵入洛也使

穀水本出城北而東入瀍洛誥何以指王城爲澗水東瀍水
鹵邪且使穀水故道果在城北則靈王壅使北出爲復禹之
遺堰三隄尙存今不可得詳竊意此三隄皆在王城南北當
時堰穀水使東出城北與瀍水會折而南歷城東至于金堨
處又南入洛此蓋自靈王以至鹵漢穀水會洛之道也何以
知之以東漢作場于河南城東十五里知之使穀水不由此
入洛堨何爲在此乎酈氏又云河南城鹵北穀水之右有后
磧磧南出爲死穀窺容春秋條例言鹵城梁門枯水處世謂
之死穀死穀者以其有瀆而無水卽靈王壅穀後城鹵所存
枯渠也此正可爲古澗水在王城鹵之明證又案酈于死穀
一條又云后磧南出爲死穀北出爲湖溝魏太和七季暴水

此地下停流成湖渚造溝通水赤鹵十里汎湖以注瀍水案
太和七季當元魏孝文帝世故說者又疑穀水入瀍經河南
城北自元魏始然瀍水本由王城東北而南人洛周靈王壅
穀使東注勢必與之合其元魏所決者磧比之湖溝耳澗瀍
之合實不自然其時瀍澗二水猶未經洛陽也迨東漢建都
元魏始也

洛陽爲京師首邑乃自河南縣東十五里千金堨引水繞都

城南北以通漕而瀍水始與穀水俱東逕洛陽城南矣

後漢
王梁

傳建武五年爲河南尹穿渠引穀水注洛陽城東鴻臚川張
純傳建武二十四年爲大司空穿陽渠引洛水爲漕章懷注
陽渠在洛陽城南

古時瀍不合澗亦不逕洛陽南而東至偃師也水

經瀍水條云瀍水出河南穀城縣北山

酈注縣北有潛亭瀍
水出其北梓澤中歷

澤東南水鹵有一原古潛亭處
東與千金渠合

酈注瀍水又東南流注于穀
水自千金堨東注謂之千

渠又東過洛陽縣南又東過偃師縣又東入于洛澗水東南流歷

鄭山于穀城東而南

澗水出新安縣南白石山東南入于洛

酈注澗水東南流歷

皇清經解

卷一百一十五

王光祿尚書後案

三

流注于穀舊與穀水亂流南入于洛今穀水東入于金渠澗水與之俱東入洛矣此以上二條其前言瀍澗所出之源皆禹迹也自千金渠以下則皆言東漢後

改流之道非古迹矣其穀水條云穀水出宏農龜池縣南穀陽谷酈注東北歷龜池川又東逕二崤又東逕新安縣故城下通謂之澗水故書曰伊洛瀍澗無穀水之目是通稱矣東北過穀城縣北又東過河南縣北東南入于洛此以上所言穀水之源及合澗之處皆爲

古迹至東過河南縣北云則爲周靈王壅穀入瀍之道酈于此下注又歷敍東至千金堨以下穀水所逕則皆東漢後之改流瀍澗自此竝東注而不復至王城之東南以入洛矣今繹其說千金堨東穀水有二道一在洛陽城北自臯門橋

在城南入華林園東注天淵池又東注狄泉廣廣
卽東歷大夏門北城之臯頭一門故夏門也穀水枝分南入華林園東注天淵池又東注狄泉廣

莫門

北城之東頭一門故穀門也北對芒阜

屈南逕建春門石橋下

東頭一門

穀門也北對芒阜南歷建春門石橋下

橋下注

陽渠

分入城東歷故金市銅駢街出東陽門石

上東門也橋柱銘云陽嘉四季以城下曹渠東通河沛南引江淮方貢委輸所由而至使申謁者馬憲監作其水依后杜文自樂道里屈蓋卽王梁所引酈氏所謂舊瀆者也一在洛

而東出陽渠陽城南自閭闔門南城之北頭一門故上臯門也陽渠水枝門

橋下注

南歷臯陽門

城之正臯門故臯門也亦曰雍門

陽渠

南城之最臯門故津門也

宣陽門

南城之次臯門故小苑門也亦曰

門屈東歷津陽門南城之東頭一門故廣陽門平昌門城之正南門開陽門南城之東頭一門故建陽門

門

故平門也

也穀水于城東南隅枝分北

注逕青陽門東又北逕東陽門東又北逕故太倉臯又北入

洛陽溝青陽東城之南頭一門故清明門東陽城之正東門

故中東又東逕偃師城南又東注于洛蓋卽張純所穿洛水門也

篇云洛水東過偃師城南又北陽渠水注之是也此皆東漢

至元魏歷代遞遷之道非古迹也自曹魏大營宮殿分引支

水東入于金渠澗水與之俱東入洛矣

流灌注苑囿晉代川谷漸移元魏遷都更加營治隋大業元年改建東都并河南洛陽而一之又大變成周之轍城隋東都即今河南府治洛陽縣視周敬王至元魏而通濟之渠復起隋書大業元年開通濟渠自西苑引穀于時又以穀洛二水周市都城洛水達河自板渚引河通淮師鞏縣而注洛口其于東漢干金堨故道又迥不同而靈王以前之迹更不可問恃有洛誥數語猶可得其大略而已

滎波既豬釋文曰滎巨局反波如字馬作播○疏曰馬鄭王皆作滎播謂此澤名滎播○案曰今僞孔本作波非也賈昌朝羣經音辨引滎播既都都鄭音豬蓋鄭于周禮職方氏注引作滎播既都也都豬同字不必改播誤爲波則大謬矣

鄭曰沉水溢出河爲澤也今塞爲平地滎陽民猶謂其處爲滎播在其縣東春秋魯閔公二季衛侯及狄人戰于滎澤此

其地也

尚書疏○薛季宣書古文訓三卷○程大昌禹貢論上卷○傳寅禹貢集解二卷○蔡沈書集傳二卷○

王天與尚書纂傳四卷○吳澄書纂言二卷○毛詩三之一卷衛風定之方中疏○又七之三卷檜譜疏○王應麟詩地理攷六卷○史馬曰滎播澤名

文釋傳曰滎澤波水已成遏豬

疏曰此澤水大動成波浪其時波水已成遏豬不溢溢也鄭云云言在滎澤縣之東也春秋衛及狄戰滎澤鄭謂在此杜預云此滎澤當在河北以衛敗方始渡河戰處必在河北蓋此澤跨河南北多而得名耳

案曰鄭云沉水溢出河爲澤也者下文導沉水東流爲泝溢爲滎是也又云今塞爲平地者鄭目驗而知也又云滎陽民猶謂其處爲滎播在其縣東者鄭于周禮夏官職方注亦云滎在滎陽攷漢地理志沉水出河東垣縣王屋山東南至武

德入河軼出滎陽北地中卽滎播也漢但有滎陽縣別無滎澤縣隋始分滎陽地置滎澤漢滎陽故城在今滎陽縣西南澤在城北歷城東故班云出縣北鄭云在縣東也杜預亦云東與鄭合京相璠曰在東南非是又正義以鄭云在滎陽縣東者爲在滎澤縣之東此據隋置縣爲說亦非是隋滎澤故城在今滎澤縣北五里澤在城南括地志云滎陽故城在滎澤縣西南十七里澤在滎陽縣北亦非是滎澤故城明洪武八年圯于河移今治澤名滎播馬同孔改波訓爲水波非也鄭又云春秋魯閔公二季衛侯及狄人戰于滎澤此其地也者此經滎播之澤本在河南衛狄戰處在河北當別是一滎澤因河南之澤而假稱之杜預謂滎澤跨河南北則下文導水何云入于河溢爲滎邪惟宣十二季楚潘黨逐晉魏錡及滎澤此則在河南卽經之

滎播也

導滎澤被孟豬

釋文曰導音道下同荷徐音柯又土可反韋胡阿反被皮寄反徐扶義反豬張魚反又音諸

傳曰滎澤在胡陵孟豬澤名在滎東北水流溢覆被之疏曰地理志山陽郡有胡陵縣不言其縣有滎澤也又云滎澤在沛陰定陶縣東孟豬在梁國睢陽縣東北以今地驗之則胡陵在睢陽之東定陶在睢陽之北其水皆不流溢被孟豬也然郡縣之名隨代變易古之胡陵當在睢陽之南北故得東出被孟豬也

案曰滎澤當依地志在定陶傳云在胡陵者誤孟豬在滎澤之南傳云在東北者正相反義曲從傳說至欲改古郡縣方向以傳會之皆非也考定陶縣今屬山東曹州府漢故

城在今縣鹵北四里睢陽今爲商邱縣河南歸德府治其故城在今治南二里通典云荷澤在曹州沛陰縣東北九十里故定陶城東北又云宋州虞城縣有孟豬澤元和志云孟諸澤在虞城縣鹵北十里周迴五十里

蓋此一節紀禹治陶邱復出之沛也荷澤在定陶之東孟豬在睢陽之東北相距僅一百四十里

澤本有相通之道禹因而疏之以殺沛瀆之勢水經注尙書導荷澤被孟豬孟豬在睢陽晉閼駒十三州記曰不言人而言被者明不常入也水盛方乃覆被矣是也若胡陵但有菏水非澤所鍾其故城在今魚臺縣東南六十里沛縣鹵北五十里交境處上距定陶之荷澤約幾三百里距睢陽之孟豬幾五百里矣安得云胡陵反在睢陽鹵北而其水得東出以被孟豬哉漢志胡陵下云禹貢浮于淮泗達于菏水

在南此言達于菏之菏在胡陵南也僞孔旣改達于菏爲達于河無如漢志胡陵有菏水遂强引以當豫州之荷澤不欲以胡陵之菏水屬徐州也此其支吾掩飾欲繭縫改書之迹耳乃師古反據僞孔書以改漢書之達于菏爲河則胡陵下無菏字穎達不知遂云不言其縣有菏澤也不知菏水與菏澤水有別說文云菏澤水在山陽胡陵水經沛水東過方與縣北爲菏水注云菏沛別名也漢方與縣卽今魚臺縣胡陵故城亦在縣境縣北菏水正說文所云在胡陵者也似說文正與孔傳合而班固說荷澤不在胡陵而在定陶何也蓋在定陶者其澤也在胡陵者其流也其流東合泗以注淮詳見徐州與孟豬全無關涉說文言菏澤水多一水字與班說殊塗同

歸僞孔傳襲取說文而遺落一水字遂成舛誤禹導澤之在定陶者以入孟豬與下流支派之在胡陵者毫不相及也

又案曰夏官職方青州澤藪曰望諸鄭云望諸明都也在睢陽周屬青此經屬豫者周無徐徐并于青青在豫東故得兼有孟豬爾雅十藪宋有孟諸左傳僖十八季楚子玉夢河神賜以孟諸之麋文十季宋道楚子田孟諸杜預曰宋大藪也自漢梁孝王大治宮室築東苑方三百里孟諸包在其中澤形盡失故水經注于睢陽故城絕不言孟豬而敍臺池甚詳蓋澤之畔岸已蕩夷無存元至元二十三季後歸德府城南北屢被黃河衝決澤更不可問矣

厥土惟壤下土墳壚釋文曰
壚音盧

曰壚疏也

陸辭道禮書
二十四卷

馬

曰豫州地有三等下者墳壚也

豫州地青

史記夏本紀集解
太平御覽三十七卷地部

李昉等

傳曰高者壞下者墳

壚也

案曰裴駟引此下有壚疏也三字今本孔傳無之陳祚道引作鄭注疑此原係鄭注今本裴駟集解脫鄭元曰

三字

案曰鄭云壚疏也者釋名云土黑曰盧盧然解散是疏也馬云地青未詳也

厥田惟中上厥賦錯上中

傳曰田第四賦第二又雜出第一

厥貢漆枲綺紵厥筐纖纊

釋文曰紵直呂反纊音曠

傳曰纊細綿

錫貢磬錯

皇清經解

卷四

王光祿尚書後案

三

傳曰治玉石曰錯治磬錯

浮于洛達于河

案曰因上荊州之文也

華陽黑水惟梁州

釋文曰華胡化反又胡瓜反○案曰說文華山本作華从山華省聲唐元度九經字樣亦

云字本作華

鄭曰梁州界自華山之南至于黑水也

莊十年羊傳疏公案曰說文華

華山之南鹵距黑水疏曰周禮職方氏豫州其山鎮曰華山在豫州界內此梁州之境東據華山之南不得其山故言陽

此山之鹵雍州境也

案曰鄭云梁州界自華山之南者僞孔亦云華山南疏云不得其山是也云至于黑水也者鄭意非謂梁之黑水但以爲

南界蓋黑水在鹵徼外故梁雍皆以是爲鹵界但梁在華陽雍在華陰故雍但以爲鹵界梁則兼以爲鹵南界因對華山言故云南也華卽太華地志京兆華陰縣南有太華山在今縣南八里黑水今無攷經凡三見雍州云黑水鹵河惟雍州則是梁雍二州皆以黑水爲界也導水云至三危入南海三危在鴈臯則黑水從鹵徼外流至極南入海不入江者也要三黑水是一古時黑水見于紀載者漢志益州郡漁池縣有黑水祠續漢志同但言有祠不言水所在則已茫昧久矣闕疑可也

又案曰殷周皆無梁州通典云梁當殷爲蠻夷此州遂廢賈公彥曰雍豫皆兼梁地江漢發源梁州而職方爲荊州川則

華清經解

卷四百三

王光祿尚書後案

七

荆亦兼梁地然三州雖兼梁地而禹貢梁州山川無一人職方者大約不過羈縻不絕非九州內地比也

又案曰以今輿地約之陝西漢中府之南境及興安州商州甘肅鞏昌府之南境及階州秦州湖北之鄖陽府四川全省

內敍州重慶夔州等府江南境宜屬荆

及雲南貴州北境皆梁州域也

岷嶓既藝

釋文曰岷武巾反嶓音波徐甫何反韋音播

鄭曰地理志岷山在蜀郡湔氐道嶓冢山在漢陽卤

史記夏本紀集

傳曰岷山嶓冢皆山名水去已可種藝疏曰漢制縣有羌夷曰道地志蜀郡有湔氐道岷山在卤徼外江水所出隴卤

郡鹵嶓冢山鹵漢水所出是二者皆山名

案曰鄭引地志岷山在蜀郡湔氐道者見裴駟集解前志此

下尙有鹵徼外字續志同裴駟引鄭注每多割裂不全鄭必連鹵徼外言之也知者漢湔氐道唐爲松州嘉誠縣廣德初陷吐蕃宋亦未復仍爲吐蕃地今爲龍安府松潘廳在府鹵三百里成都府鹵北七百六十里岷山又在廳鹵北二百二十里山有大分水嶺卽古羊聃嶺江源所出距廳尙遠豈得謂江所出之岷山卽在湔氐道故知裴引不全也鄭又云嶓冢山在漢陽鹵者漢志隴鹵郡鹵縣禹貢嶓冢山鹵漢所出南入廣漢白水東南至江州入江續志鹵縣改屬漢陽郡注云故屬隴鹵鄭據當代書故云漢陽鹵也但漢有東鹵下文導水歷敍東漢源流絕與鹵漢無涉而其首則言嶓冢導濛東流爲漢則似東漢亦出嶓冢然漢志于氏道言濛水出至

武都爲漢于武都言東漢水受氐道水一名沔又于沮縣言沮水源流沮水卽漢水又沔陽縣應劭注補言沔水出以上四條皆言東漢而皆不言有嶓冢續志亦惟于鹵縣言有嶓冢山鹵水他縣皆不言鄭于此注亦但舉鹵縣之嶓冢者漢志旣專于鹵縣言嶓冢并冠以禹貢則必古經師相承舊說鄭據古義故云然也至後魏于漢沔陽縣地置縣名嶓冢縣魏收作地形志遂于此縣載有嶓冢山而唐李吉甫杜佑則于上邽縣金牛縣分列兩嶓冢唐上邽卽漢鹵縣金牛卽漢沔陽縣地然則漢有二嶓冢亦有二東鹵分出意者東漢上源從氐道來逐路納眾流以成川非始出沔陽之嶓冢故班志鄭注皆不著此山若鹵縣山實鹵漢源故專舉之與至

導水以鹵縣之嶓冢爲東漢源者則別有故益東漢自鹵而東流鹵漢則自北而東南流東漢自氐道而武都而沮縣而沔陽自是而東直至江夏沙羨方入江流甚長鹵漢自鹵縣而廣漢而江州卽入江流頗短二水始源所出下流入江皆不一處似各不相涉但鹵漢流至通谷與東漢會然後東漢自東鹵漢自南而鹵漢至葭萌縣又有一水從沔陽東漢分支從漢壽鹵南流來穿石穴出至此又與鹵漢合然後鹵漢再鹵南行至江州入江漢別爲潛鹵漢自出鹵縣嶓冢似非東漢之別但旣與東漢合而後分且葭萌流出之水係從沔陽東漢分出的是漢別之潛而鹵漢又與之合故鄭于下節注以此二水皆爲潛論水則鹵漢是別東漢是主故經詳言

東漢而卽以嶓冢冠之者因下流潛源以目漢源也論山則
沔陽之嶓冢非東漢始源故略之而卽縣之嶓冢實卽漢源
故班志鄭注專舉之欲見是山爲水源也此爲定論漢氏道今無攷
武都縣在今成縣卽沮縣今略陽縣沔陽縣今沔縣沙羨縣今漢陽縣卽和縣廣漢郡卽今重慶府通谷卽唐金牛縣今寧羌州地茂萌今寧羌州及廣元昭化二縣地江州縣今重慶府治巴縣也若郭璞注山海經
以氏道亦有嶓冢則恐附會

又案曰漢地理志蜀郡有汶江縣武帝元鼎六年置汶山郡于此縣後不知何季仍屬蜀郡古汶字與岷通但此郡縣名雖曰汶實非江源所在後郭璞注山海經遂言岷山今在廣陽縣鹵江所出廣陽晉所更漢汶江縣之名郭說亦誤汶江縣後不知何季又改汶山縣元和志于汶山縣載岷山而樂史因之汶山今又改汶川屬茂州案隋地理志汶山郡左封縣有汶山臨洮郡臨洮縣有岷山元和志岷州溢樂縣南有岷山括地志岷山在溢樂縣南連綿至蜀幾二千里皆名岷山是岷山所在之縣甚多安在茂州汶山縣無岷山但不得以爲江源所出耳漢志分明處在鹵徼外二字裴駟刪去三字已失其旨郭璞移之汶江則更沿誤

沱潛旣道

鄭曰二水亦謂自江漢出者地理志在今蜀郡郫縣汶江及漢中安陽皆有沱水潛水其尾入江漢耳首不于此出江原
有詔江首出江南至犍爲武陽又入江豈沱之類與潛蓋漢鹵出嶓冢東南至巴郡江州入江行二千七百六十里漢別

爲潛其穴本小水積成澤流與漢合大禹自廣漢疏通卽爲
卤漢水也故曰沱潛旣道

尚書荊州疏○薛季宣書古文訓禹貢集解一卷○王天與尚書纂傳三卷○黃度尚書說二卷○傳寅九卷潛水注○樂史太平寰宇記七十二卷劍南西道傳曰

沱潛發源此州入荊州疏曰鄭云云此解荊州沱潛梁州注云云此解梁州沱潛也郭璞爾雅音義云沱水自蜀郡都水縣渝山與江別而更流又云有水從漢中沔陽縣南流至梓潼漢壽入大穴中通峒山下卤南潛出一名沔水舊俗云卽禹貢潛也地志及鄭皆以荆梁各有沱潛郭解沱潛惟據梁州不言荊州之沱潛而孔云沱潛發源此州入荊州以二州沱潛爲一者孔爲博士地理無容不知蓋以水從江漢出者皆曰沱潛但地勢西高東下雖于梁州合流還從荊州分出

故舉大略耳

出知山由王贊述其音義并附註
案曰鄭云二水亦謂自江漢出者承上荊州沱潛故云亦據爾雅江出爲沱漢出爲潛也又引地志鄆縣之沱謂非此經之沱者地志蜀郡都安縣禹貢江沱在卤東入大江郭璞爾雅音義云沱水自蜀郡都安縣渝山與江別而東流今成都府灌縣東有都安故城此卽漢志江沱後人謂之鄆江河渠書蜀守李冰穿二江成都之中注引任豫益州記云二江者鄆江流江也自漢以來皆以鄆江爲沱水流江爲大江流江者江之正流一名檢江常璩華陽國志曰李冰壅江作堋穿鄆江檢江雙過郡下水經所敍江水自都安至成都考其原委卽所謂流江也鄆水出自山源而下流爲李冰所穿後人

因其引此江與大江雙過郡下遂目爲二江而皆以爲冰所穿其實冰所穿惟鄭江也在豫言此江一名涪江一名湔水非是此江起今灌縣鹵南至雙流縣卽廣都北岸合流江水謂之五城水口今成都府城東南岸曲有合江亭鄭江入流江處又案蜀中水道至李冰一變文翁又加改作唐高駢築廣都羅城塞故瀆鑿新渠導鄭江繞城鹵而北流江繞城鹵而南下流仍合于合江亭所行不過三百餘里源流短狹又與沱舊迹更不可問矣所行不過三百餘里源流短狹又與沱自江出之義不合故鄭不取也此水志冠以禹貢似是古義而鄭不取者既不言古文則非孔氏古文說此等鄭間有不取擇善而從不偏主也又引地志汝江之沱亦不取者彼志云在蜀郡汝江縣鹵南東入江近志以咸州玉輪江當之玉輪江卽汝水出岷山鹵玉輪坂非首受江者不可謂沱漢志

所言蓋卽縣鴈縣界開明所鑿郭璞云玉壘作東別之標考開明杜宇相七國時人禹時未有漢志亦不以爲禹貢之沱故鄭不取也又云江原有鄖江云云者地志蜀郡江原縣鄖水首受江南至武陽入江應劭曰鄖音壽元和志劖南道蜀州唐興縣本漢江原縣地鄖江一名皂江聲轉字異經縣東二里在今崇慶州曰首受江正與江出爲沱合故鄭以此爲沱之類也鄭又引地志安陽之潛亦不取者彼志云漢中郡安陽縣鶯谷水出鹵南北入漢安陽縣今爲陝西興安州漢陰縣此鶯谷乃谷名水名由谷而得不得直名潛水水經又以此水爲潛水潛字古字通曰漢水東過魏興安陽縣南潛水出自旱山北注之是尾入漢非首受漢故鄭不以爲潛水史記索

隱因夏木紀潛作澇遂以此水當之非也爾雅自漢出爲潛
馬融云其中泉出而不流者曰潛是潛與沱不同沱分派別
行者也潛伏流重出者也鄭云潛蓋漢鹵出嶓冢東南至巴
郡江州入江云云者前志隴鹵郡鹵縣禹貢嶓冢山鹵漢所
出南入廣漢白水東南至江州入江過郡四行二千七百六
十里是也過郡四者隴鹵武都廣漢巴郡也鄭據彼文但彼
以爲鹵漢水不名潛而鄭指作潛者鹵縣嶓冢所出雖是鹵
漢鄭因東漢有別出而伏流之潛從廣漢葭萌入鹵漢以達
于江故連鹵漢始源亦目爲潛也荊州疏引郭璞爾雅音義
云有水從漢中沔陽縣此卽東漢今漢中府東南有沔陽故城河南流至梓潼
漢壽入大穴中通峒山下鹵南潛出一名沔水舊俗云卽禹

貢潛也

郭與鄭合被疏以爲與鄭異者非

漢壽

卽漢廣漢郡葭萌縣

漢志失載此水

王象之輿地紀勝曰龍門洞在

蜀先主改名漢壽屬梓潼郡晉又改晉壽

復與渡洪同故城在今保寧府昭化縣東南括

元中分晉壽縣地置興安縣隋改名縣谷隋志歸谷縣有龍

門山是也唐因之屬利州明改廣元縣屬保寧府本朝因之東北接陝西沔縣界

東龍門山大石穴下元和志云潛水出利州縣

谷縣龍門山書曰沱潛既道是也山在縣東北八十二里寰

宇記縣谷縣龍門山亦名葱嶺山引梁州記云潛水出利州縣東

北龍門山是潛水自此入穴通山伏流重出

王象之輿地紀勝曰龍門洞在

縣谷縣北凡爲洞者三有水自第三洞發源貫通兩洞下合嘉陵江此卽潛水也然廣元舊志云潛水出縣北一百三十餘里木寨山流經神宣驛卽壽筆驛也又南二十里經龍洞口至朝天驛北穿穴而出入嘉陵江與諸說不同意者木寨

王光祿尚書後案

山乃水自沔陽來之所經而人誤以爲出邪朝天驛穴卽龍門山穴也王氏所謂自第三洞貫通兩洞卽舊志所謂經龍洞口至驛北穿穴而出郭氏所謂入大穴通峒山下西歷昭南潛出者也大約此水伏流山下亦不過二十餘里合州至巴化劍州蒼溪閬中南部蓬州南充慶府立屬順縣立屬重慶府巴縣漢巴郡江州縣今府治人大江然則鹵縣嶓冢所出本是鹵漢非潛水下流與潛合則源流皆可稱潛後世但稱鹵漢唐名遂故鄭又云漢別爲潛其穴本小水積成澤流與漢合大禹自廣漢疏通卽爲鹵漢水廣漢卽指葭萌鄭舉郡言耳水經注桓水條又云葭萌鹵漢卽鄭康成之所謂潛水者也是也鄭注殘闕子采輯乃有端緒參互觀之則沱爲江原之鷁水潛爲鹵漢合葭萌之伏流可知矣

又案曰漢志又有一潛水在巴郡宕渠縣鹵南入江此江謂嘉陵江

水經亦云潛水出巴郡宕渠縣南入于江酈注云潛水蓋漢水枝分潛出故受其稱耳今爰有大穴潛水入焉通岡山下鹵南潛出謂之伏水或以爲古之潛水鄭康成曰漢別爲潛其穴本小水積成澤流與漢合大禹自廣漢疏通卽爲鹵漢水也故書曰沱潛既道庾仲雍云墊江有別江出晉壽縣卽潛水也酈又云宕渠水卽潛水見江水注出南鄭縣南巴嶺謂之北水東南流逕宕渠縣謂之宕渠水又東南入漢見澑案漢宕渠縣故城在今順慶府渠縣界渠江在縣東其源出自巴州屬保寧府小巴嶺鹵南流逕蓬州又東南逕營山縣入縣界又鹵南逕廣安州竝屬順至重慶府之合州入嘉陵江此水雖名爲潛而出自山源不出于漢況酈注所云入穴通山云云

卽取郭璞所說漢壽潛水之語順文臆度而此水實無入穴通山之狀其所引據之鄭康成庾仲雍二條鄭云自廣漢疏爲鹵漢水而漢葭萌屬廣漢卽漢壽縣庾云出晉壽縣而漢葭萌蜀爲漢壽晉爲晉壽是二家所說正屬漢壽之潛水全與宕渠無涉酈乃移彼入此舛謬殊甚且此水源出巴嶺嶺在南鄭縣南百餘里綿亘深遠高聳干尋賈耽曰興元之南路通巴州中有孤雲米倉山行者三日始達于嶺險阻如此等山谿定是無勞疏鑿潛不亡宕渠明矣

蔡蒙旅平

釋文曰：旅如字韋音盧

鄭曰地理志蔡蒙在漢嘉縣

林之奇尚書全解九卷○毛晃禹貢集解一卷○史記傳曰：禹貢集解

傳曰：蔡蒙二山

禹貢集解曰：蔡山曰旅平言治功畢

案曰鄭云地志蔡蒙在漢嘉縣者前志蜀郡青衣縣禹貢蒙山谿大渡水東南至南安入岷江當作沫師古曰音哉誤應劭曰順帝更名漢嘉也續漢志蜀郡屬國扶嘉縣故青衣陽嘉二年改有蒙山二志皆云蒙山而鄭云蒙蓋蔡蒙本一山亦可單稱蒙故也傳曰蔡蒙二山名正義曰蔡山不知所在史記索隱同其說非是今雅州府治雅安縣北有漢青衣廢縣蒙山在縣南是山盤跨邛州及雅州府之雅安蘆山名山四州縣境也

又案曰漢志言青衣有蒙山谿卽青衣水大渡水卽沫水也水經青衣水出青衣縣鹵蒙山東與沫水合又沫水出廣柔微外廣柔故城在今威州鹵東南逕旄牛縣北又東至越巂靈道縣出

蒙山南

酈注靈道縣一名靈關道案今蘆山縣南北有靈關廢縣

東北與青衣水合

酈注一水

子漢青衣縣東合爲一川

東入于江以今輿地言之青衣水自蘆山縣北

東流入雅安與沫水合沫水自威州徼外東南流經天全州

鹵北又東南經蘆山至雅州府治東青衣水注之又東經洪

雅夾江峨眉至嘉定府治會涐水入大江

和夷底績

釋文曰和如字又作龢

鄭曰和夷和上夷所居之地也和讀曰桓地志曰桓水出蜀郡蜀山鹵南行羌中者也

釋文○林之奇尚書全解九卷○董鼎書集傳輯錄纂注二卷○水經三十六卷桓水注馬曰和夷地名也史記夏本紀集解傳曰和夷之地致功

可藝疏曰和夷平地之名

案曰鄭云和夷和上夷所居之地也者鄭以和爲水名焉及

傳但以爲地名非也鄭又云和讀曰桓者漢酷吏傳尹賞疾

囚戶桓東如淳曰亭傳于四角面一百步築土四方上有屋屋

上有柱出高丈餘有大板貫柱四出名曰桓表縣所治夾兩

邊各一桓陳宋之俗言桓聲如和今猶謂之和表

東京賦云敍和樹表

師古曰卽華表也華古音敷亦以聲近而變

亦見匡謬正俗

又古者桓獻同音桓轉爲和猶獻轉爲莎說文桓作瓏从玉獻聲則

知古者和有桓音也鄭又引地志桓水出蜀郡蜀山云云者

彼志蜀郡禹貢桓水出蜀山鹵南行羌中入南海水經同地

志于蜀山繫郡下不繫縣下蓋徼外山也元和志茂州通化

縣本漢廣柔縣地蜀山在縣東北六里漢廣柔故城在今威

州鹵唐通化縣今無可考大約在今茂州之保縣及威州界

內蜀山在此爲桓水所自出則與湔氐道徼外江水所出之岷山相連酈注云岷山鹵傾俱有桓水岷山桓水卽蜀山桓水也酈于和夷從鄭讀爲桓謂卽蜀山桓水又引晉地道記云梁州南至桓水因謂自桓水以南爲夷卽書所謂和夷其說是矣而于鹵傾因桓是來則以爲此桓乃鹵傾之桓水自鹵傾至葭萌入鹵漢卽鄭所謂潛也愚謂鹵傾之桓水不見于禹貢酈謂因桓之桓乃鹵傾桓水者非是惟此和當爲桓耳

說詳下文

厥土青黎

釋文曰黎鄭力兮反徐力利反

馬曰黎小疏也

釋文曰王曰青黑色黎小疏也

尚書疏

傳曰色青黑

而沃壤

集解曰馬云黎小疏也者馬意謂青其色黎其質也王以青爲黑不知何據而青色黎質則同劉熙釋名卷一釋地云土青曰黎似黎艸色也此是汎言不可以解此經至傳以黎爲黑則是梁州土兼二色矣但經文辨土有因色不一而不言色者矣未有言色而不言質者亦未有兩言色者傳非是當從馬說爲正至沃壤經文所無傳說更屬妄添且傳以田上中下主肥瘠言若使果沃壤則田宜上品何以下文厥田止云下上邪

厥田惟下上厥賦下中三錯

鄭曰三錯者此州之地有當出下之賦者少耳又有當出上中下者差復益少

尚書疏傳曰田第七賦第八雜出第七第

毛詩卷一百一十五

卷一百一十五

王光祿尚書後案

七

九三等疏曰傳以既言下中復云三錯舉下中第八爲正上
下取一故雜出第七第九與第八爲三
案曰鄭云云者經云下中三錯自當于下品中品之中居其
三若如傳說則云下三錯足矣非也

厥貢璆鐵銀鏤砮磬熊羆狐狸釋文曰璆音蚪徐又居蚪反又
閭幼反馬同鏤璫豆反熊音羆
羅彼宜反

鄭曰黃金之美者謂之鏐鏐剛鐵可以刻鏐也史記夏本傳
紀集解

曰璆玉名鏐剛鐵貢四獸之皮

案曰鄭云黃金之美者謂之鏐者爾雅釋器云黃金謂之盪
其美者謂之鏐注云鏐卽紫磨金也是也說文卷十四上金
部云鏐黃金之美者从金璆聲力幽切讀若劉球玉磬也从

玉求聲或从璆作璆巨鳩切讀若蚪二字音義皆別左思賦
都賦云金沙銀礮暉麗灼爍後漢書云益州金銀之所出金
固梁產也璆定當爲鏐自後人妄改从玉遂以梁州之璆混
雍州之球幸史記集解尙采鄭注猶可見真古文也鄭又云
鏐剛鐵可以刻鏐也者說文金部文彼卽引此經爲證是也
砮石砮華陽國志臺登縣山有砮石禹貢所賦是也熊羆狐
羆或貢生獸或貢其皮也孔連下織皮爲句其說謬甚辨詳
下文

織皮鹵傾因桓是來

釋文曰傾窺井反
案曰漢書作頃

鄭曰織皮謂鹵戎之國也鹵傾雍州之山也地理志鹵傾山
在隴鹵臨洮雍戎二野之間人有事于京師者道當由此州

而來桓是隴阪名其道盤桓旋曲而上故名曰桓是今其下民謂是阪曲爲盤也林之奇尙書全解九卷○傳寅禹貢集解九卷○傳寅禹貢集解一卷○史記夏本紀集解○水經三十六卷○水經三十六卷桓水注○王同傳曰織皮今屬紀集解○水經三十六卷桓水注○王同傳曰織皮今屬桓水注馬曰治鹵傾山惟因桓水是來言無餘道也林之奇尙書全解九卷○傳寅禹貢集解一卷○史記夏本紀集解○水經三十六卷桓水注○王同傳曰織皮今屬

鹵傾山名桓水自鹵傾山南行因桓水是來疏曰續羊毛作衣爲罽言皮者毛附于皮故以皮表毛耳鹵傾山名在雍州自鹵傾山南行因桓水是來浮于潛水也地志桓水出蜀郡蜀山鹵南行羌中入南海則初發鹵傾未有水不知南行幾里得桓水也

案曰鄭云織皮謂鹵戎之國也者雍州云織皮昆侖析支渠搜鹵戎卽敍知織皮謂鹵戎之國卽昆侖等是也又引地理

志云云者據彼漢志云禹貢鹵頃山在隴鹵郡臨洮縣鹵南漢臨洮在今爲甘肅洮州廳治所三面臨番南與四川松潘廳接界外連蒙古邊境鹵傾山在其界內詳見導山郭仲產秦州記曰隴鹵郡隴山東西百八十里其上懸巖吐滔北人升此而歌曰隴頭流水流離四下念我行役飄然曠野登高望遠涕零雙墮鄭所謂桓是隴阪名者蓋卽隴山後漢魄囂傳謂之隴坻李賢注云坻阪是也鄭以此阪盤桓旋曲故名桓者屯初九盤桓馬融云旋也屯初體震說卦云震爲阪生是阪爲盤桓旋曲也鄭又連是字亦爲阪名不從馬融作虛字解者說文卷十四下阜部云阪山脅也十二下氏部云巴蜀名山岸脅旁箸欲落墮者曰氏氏崩聲聞數百里象形入聲楊

雄賦響若氏墳古氏與是通詳見供範故鄭以桓是爲山阪之名也諸書言此阪大率皆就今鞏昌府隴鹵縣東至隴州汧陽一路而言此經言由鹵傾因阪以浮于潛水則當由今洮州廳東北行歷鞏昌府之漳縣伏羌縣秦州之禮縣至西和縣浮西漢水以入沔蓋西漢水出西嶓冢山漢志在隴鹵郡鹵縣今爲鹵和縣屬鞏昌府此卽潛也織皮諸國及鹵傾之山雖皆爲雍州境然欲由本州浮于積石則鹵傾之鹵北距積石千里皆重山疊嶂道險難達況欲東行以至京師不行東北而反取鹵北路以往舍近圖遠必無此理惟因桓是來則過阪卽入鹵漢經行甚便故鄭云雍戎二野之間人有事于京師者道當由此州而來也下文浮潛逾沔自是禹巡行州

境非爲欲達京都此因桓是來與下浮潛各爲一截但鄭解此節雍戎之人有事京師則自桓是而浮潛以至亂河自是入京之道甚貢則因桓是來與下文本不連屬也

又案曰晚晉古文以織皮屬上熊羆狐狸爲句以四獸爲貢皮以織皮爲臘疏曲附之然經文但舉四獸何以知其貢皮雍州織皮與呂倫析支渠搜連文不爲貢物則此亦當與鹵傾連文不爲貢物可知傳疏皆非也傳又以桓爲水名謂桓水自鹵傾山南行因桓水是來但出蜀山之桓水以解和夷則可若云自鹵傾因此水而來則此水乃行羌中入南海不入中國何由而來乎疏亦知其不通而附會以爲初發鹵傾未有水南行得桓水考元和志謂蜀山桓水在茂州今鹵傾

乃在洮州鹵南距茂州千餘里何云因乎酈道元則謂蜀山鹵傾俱有桓水

岷山桓水即蜀山桓水

以和夷之和爲蜀山桓水以因

桓之桓爲鹵傾桓水其說據馬融王肅注云治鹵傾山惟因

桓水是來言無他道也因謂自鹵傾至葭萌入于鹵漢卽潛水也自鹵漢遡流而屈于晉壽界阻澆枝津南歷岡穴迤遞而接漢沿此入澆所謂浮潛而逾澆矣酈此條所云桓水卽

白水山海經曰白水出蜀而東南注于江郭璞云色微白濁今在梓潼白水縣從臨洮之鹵鹵傾山來經沓中東流過陰

平至漢壽縣入潛水經澆水注又云白水出臨洮縣鹵南鹵傾山水色白濁東南流與黑水合

水出今文縣鹵素嶺山

又東逕洛和

城南又東南逕鄧至城南

城在文縣鹵南

又東南逕陰平故城南

城在

又東南逕陽平故城南

城在

又東北逕橋頭

今文縣城東南有橋頭

又東與羌水合自下得其通稱

羌水出羌中參谷白水東南流逕

又東南逕建陽郡東

又東南逕白水縣故城東

城在今昭化縣西北九域志云縣有白水鎮卽故縣也

又南

逕武興城東又東南逕吐費城南卽鹵晉壽之東北也

鹵晉壽卽

葭萌劉備改曰漢壽太康中又曰晉壽水有津關案漢葭萌故城在今昭化縣界白水至此謂之葭萌水津關卽今縣北

白水關也與

寧羌州接界

東南流注漢水以今輿地言之白水自洮州衛

流經文縣平武

龍安府治

劍川至昭化縣東入鹵漢水近人以爲

此卽禹貢桓水鹵傾之戎所以來者也但是與氏通是山

阪之稱非水稱因桓是來究以鄭說爲確

軒云泉鏡出山

淳于潛逾于汭入于渭亂于河

鄭曰或謂漢爲沔傳寅禹貢集解一卷
○史記夏本紀集解傳曰漢上曰沔越沔而北入渭浮東渡河正絕流曰亂疏曰下傳云泉始出山爲澆水東南流爲沔水至漢中東行爲漢水是漢上曰沔計沔在渭南五百餘里故越沔陸行而北入渭渭水入河故浮渭而東正絕流曰亂釋水文孫炎曰橫渡也

案曰鄭云或謂漢爲沔者沔水一名沮水出武都沮縣東狼谷東南流至沮口與澆水合澆于是兼有沔稱凡水有隨地異名者澆東流爲漢又東爲滄浪之水是也有因他水浸入而互受通稱者漢曰沔是也導水之文凡互受通稱者不志故導澆不言沔此經欲明浮潛入渭中間所由之路在澆下漢上故特稱沔以別之渭水地理志云出隴鹵首陽縣鹵南

鳥鼠同穴山東至船司空入河詳見導渭河謂鹵河也水經注云鹵漢卽潛水自鹵漢逕流而屈于晉壽界阻澆枝津南歷岡穴迤邐而接漢沿此入澆書所謂浮潛而逾沔矣已見上文阻澆枝津者卽郭璞所云水從沔陽縣南流至漢壽寰宇記所謂三泉故縣南大寒水鹵流者也歷岡穴迤邐而接漢岡穴卽郭璞所謂峒山括地志所謂龍門山大石穴者也以今輿地言之浮嘉陵江至廣元縣北龍門第三洞口舍舟從陸越岡巒而北至第一洞口出谷乘舟至沔縣南經所謂浮潛而逾沔也以上梁州巡行州境觀地肥瘠事已畢以後自沔入南鄭縣界抵褒城東歷褒水登陸絕水行百餘里入斜水至郿縣東北入渭沿流而東亂河則至雍州矣

又案曰水經注說浮潛逾沔則得矣而其下云歷漢川至南鄭縣屬於褒水遡褒暨于衙嶺之南溪水支灌于斜川屆于武功而北達于渭水此乃水陸相關川流所徑不乖禹貢入渭亂河之義也案南鄭今爲漢中府治其故城在縣東北武功故城在鳳翔府郿縣東四十里渭水之南北此說以褒斜二水爲自沔入渭之道然褒通沔斜通渭而褒與斜究不相通乃云遡褒南溪支灌于斜蓋因經例由水而陸以入水曰逾由水入水曰入今日逾于沔入于渭似沔渭有相通之道故耳不知經文不可兩言逾故變言入傅氏寅云上言逾沔可以該下而省文此說是也酈言褒灌于斜強爲附會殊不可信考漢志右扶風武功縣下云斜水出衙嶺山北至郿入渭

褒水亦出衙嶺山至南鄭入沔衙嶺山在今郿縣鹵南三十里俗呼馬鞍山褒谷口在今褒城縣北十里斜谷口在郿縣鹵南三十里褒水南流自衙嶺南經褒城縣東又南入于漢斜水北流自衙嶺北經郿縣東又東北入于渭二水中隔衙嶺須陸行百里始達故顏師古曰褒斜二谷名其中皆各自有水耳正言其不相通也山谷形勢古今不易安在禹時從沔遡褒可以入斜而通渭乎漢河渠書云武帝時有上書欲通褒斜道及漕事下御史大夫張湯湯問之言抵蜀從故道縣屬武都郡卽今漢中府之鳳縣也故道多阪回遠今穿褒斜道少阪近四百里而褒水通沔斜水通渭皆可以行船漕漕從南陽上沔入褒褒絕水至斜間百餘里以車轉從斜下渭如此漢中穀可

致而山東從沔無限便于底柱之漕上以爲然拜湯子印爲漢中守發數萬人作褒斜道五百餘里道果便近而水多湍石不可漕溝洫志同今此經俗人妄指爲轉輸重運則此道似不應有從陸處其實則是禹巡行梁境畢乃從梁至雍治水耳有陸何不可由平自潛逾沔歷岡穴不過二十里自沔逾渭泝褒入斜所歷山嶺亦不過百里合兩處僅一二日程耳禹豈必欲盡從水而畏此一二日之從陸哉逾沔入渭當從傅氏以上逾字貫下入字爲確非沔渭水道可通也

黑水西河惟雍州

釋文曰雍於用反

鄭曰雍州界自黑水而東至于鹵河也

詩十八之四卷大雅韓奕疏○莊十年公

羊傳王曰鹵據黑水東距鹵河

尚書疏○林之奇尚書全解九卷○傳寅禹貢集解一卷

白天與尚書纂傳四卷山井鼎七經孟子考文傳曰鹵距黑水東據河龍門之河在冀州鹵疏曰雍州之境被荒服之外東不越河而鹵踰黑水王肅所言得其實孔本誤也河在雍州之東而謂之鹵河者以冀州鹵界故王制云自東河至于鹵河千里而近是河相對而爲東鹵也

案曰鄭云雍州界自黑水而東至于鹵河也者鄭意以黑水在鹵徼外梁雍二州之西境皆至此爲界義已詳梁州也傳或言據或言距偶爾異文不爲例疏必以距爲至據爲跨而過之則不可通者多矣雍東至鹵河而止固不可以言跨而其鹵亦不過至黑水黑水絕遠若復跨而過之無是理也鄭云自黑水而東則鄭必不以雍鹵爲跨越黑水可知也

又案曰爾雅河西曰隴州注云自鹵河至黑水李巡云兼得梁州之地周禮正西曰雍州疏云周之雍豫于禹貢兼梁州之地然雍州鹵北二邊世有戎翟之患其疆域未必能悉如禹貢又禹貢梁州之出水無一人職方者故杜氏言梁州當夏殷間爲蠻夷國雍之併梁亦虛名耳今據周禮言之正東曰青州其南則有揚其北則有幽而西則不然目雍州以正西其西北西南兩隅皆缺焉然則梁地爲羈縻之國固不待言而雍之西境如西傾積石豬野流沙二危黑水皆沒于戎翟矣爾雅目雝州以河西則華山以南不在界中可知其西北亦當虧損殷周之雍實只小于禹貢也

又案曰以今輿地約之陝西之西安同州鳳翔延安榆林甘

肅之蘭州平涼鞏昌慶陽寧夏西寧涼州甘州鎮西十四府乾州邠州興安鄜州綏德肅州迪化安西八州洮州一廳漢中府除鳳縣秦州除徽縣兩當爲梁州餘皆雍州其在化外者南至西傾積石西踰二危北至沙漠遼闊不可紀極矣弱水既西

鄭曰眾水皆東此獨鹵流故記其鹵下也尚書疏○傳寅禹記夏本○集解傳曰導之鹵流至于合黎

案曰鄭云眾水皆東者荀子云孔子觀于東流之水謂子貢曰水萬折必東是也餘詳下文

涇屬渭汭釋文曰涇音經屬之蜀反

汭本又作內同如銳反

鄭曰涇水渭水發源皆幾二千里然而涇小渭大屬于渭而

入于河地理志云涇水出今安定涇陽鹵升頭山東南至京兆陽陵行千六百里入渭毛詩二之二卷歌風谷風篇正義○史記夏本紀集解馬曰屬入也釋文傳曰屬逮也水北曰汭言治涇水入于渭疏曰屬謂相連屬故訓爲逮毛詩傳云汭水涯也鄭云汭之言內也蓋以人皆南面望水則北爲汭也且涇水南入渭而名爲渭汭知水北曰汭言治涇水使之入渭亦是從故道也地理志云涇水出安定涇陽縣鹵升頭山東南至馮翊陽陵縣入渭行千六百里

案曰鄭云涇水渭水發源皆幾二千里云云者涇水見下文渭水見下文導渭節二水自源及流所經行皆幾二千里涇入渭渭又入河也又引地志云云者鄭以渭水就下文導渭節解之故于此惟解涇水也其文見前志并冠以兩

水部同續志無涇陽縣劉昭注于安定朝那下言之蓋省從也涇陽故城在今甘肅平涼府治平涼縣鹵南升頭山在縣鹵一百里涇水出史記黃帝鹵至于崆峒登笄頭之山是也東南流逕其縣南又東南逕華亭縣東北華亭在府南一百二十里本漢安定縣唐爲保定縣涇州治又東逕長武縣北汭水入焉長武在邠州西北八十里本漢鶴觚縣地唐爲宜祿縣汭水源出鳳翔府隴州鹵四十里弦蒲藪東流過長武縣南而東注于涇又東南逕邠州北邠州在西安府西北三百五十里本漢漆縣唐爲新平縣邠州治又東南逕淳化縣西淳化在州東少南一百四十里本漢雲陽縣又南逕永壽縣東永壽在乾州北九十里本漢漆縣地又南逕醴泉縣東醴泉在西安府西北一百二十里本漢谷口縣又東南逕涇陽縣南涇陽在府北七十里本漢池陽縣晉惠帝析置涇陽縣又東南逕高

陵縣鹵南入于渭水高陵在府東北七十里陽陵故城在高陵縣鹵南二十里卽鄭注所云涇入渭處也

又案曰汭說文水部云水相入也从水从內內亦聲既云從內則內亦義故鄭名誥注亦云汭隈曲中也然竝無水北曰汭限曲卽內故鄭名誥注亦云汭隈曲中也然竝無水北曰汭之訓僞孔忽刲此解疏曲附云人南面望水則北爲汭但人北面望水則又可以南爲汭矣凡二水相入其間必有限曲罕有十字相交徑橫入者然但可以曲處爲內其外直流者爲外耳豈能限以必北爲內乎雍州有二渭汭此渭汭當爲漢高陵縣地後渭汭當爲漢襄德縣地今朝邑高陵者涇渭二水之會襄德者河渭二水之會均爲水相入均爲水之限

曲也

漆沮既從

釋文曰
七徐反沮

傳曰漆沮之水已從入渭疏曰地理志云漆水出扶風漆縣鹵闕駟十三州志云漆水出漆縣鹵北岐山東入渭沮則不知所出蓋東入渭時已與漆合渭發源遠以渭爲主上云涇屬謂是矣故此言漆沮既從已從于渭以渭爲主故也

案曰大雅縣云自土沮漆箋云公劉遷幽居沮漆之地周頌潛云猗與漆沮傳云岐周之二水也幽譜云幽者公劉自邰而出所徙戎狄之地名今屬右扶風栒邑其封域在禹貢雍州岐山之北周南召南譜云周召者禹貢雍州岐山之陽地名今屬右扶風美陽縣太王自豳始遷焉潛詩疏云漆沮自

幽歴岐周以至豐鎬然則毛鄭雖分言漆沮其實一也漢志右扶風漆縣水在縣西續志亦云縣有漆水據幽譜疏引杜預云幽在新平漆縣東北則鄭箋云漆在幽者卽漢志所云在漆縣者矣然皆不言上源所出下流所入說文水部則云漆水出右扶風杜陵岐山東入渭一曰入洛杜陵當作杜陽以上所言皆卽此經既從之漆也而沮則無攷漢右扶風有漆縣又有杜陽縣今長武邠州麟游三州縣地卽漢漆縣及杜陽縣地也水經云漆水出扶風杜陽縣愈山愈山疑卽岐山酈注引山海經又云渝次之山疑皆岐山之異文而酈又引酈駟十三州志分爲二漆水其說云漆水出漆縣鹵北岐山東入渭今有水出杜陽縣岐山北漆谿謂之漆渠鹵南流

注岐水但川土奇異今說互出攷之經史各有所據識淺見浮無以辨之矣酈雖疑不能定但所出所入各別自是兩水致李吉甫元和志云漆水在新平縣鹵九里漆縣唐爲新平縣今邠州是北流注于涇今麟游縣東南亦有漆水與此異寰宇記云水經注曰漆水自宜祿界來又東過漆縣北今本水經注無此一里今長武縣是卽今邠州所治也今縣鹵九里有白土川東北流經白土原東陳陽原鹵又東北注涇水恐是漢之漆水但古今異名耳麟游之漆水南流與杜陽水合非漢之漆水也今攷涇水自邠州北東南流入永壽縣界漆水東北流必注于涇言入渭者非一漆之中必有一沮在麟游之漆當是沮水土俗音訛以沮爲漆耳然此二水一則注涇以入渭

一則合杜岐雍以入渭皆在涇水之鹵而導渭云又東會于涇又東過漆沮則漆沮乃在涇水之東蓋有二漆沮雍州之漆沮非導渭之漆沮也正義于此節解爲扶風漆沮于導渭解爲馮翊北之洛水是也

灔水攸同

釋文曰灔芳弓反○案曰漢書引此及地志俱作鄆

傳曰灔水所同同之于渭疏曰地理志灔水出扶風鄠縣東南北過上林苑入渭

案曰地理志扶風上有右字疏刪去非也鄠縣今屬西安府其故城在今縣北二里上林苑在今長安縣鹵南水經渭水篇曰渭水自槐里縣故城南槐里今爲興平縣在西安府西少北一百里又東至鄠縣又東豐水從南來注之渭水與豐水會于短陰山沃水

會無他高山異轡惟原丘石激而已漢書音義張揖曰酆水出鄠縣南山酆谷北入渭長安志豐水出長安縣鹵南五十五里終南山豐谷其源闢一十五步其下闊六十步水深三尺自鄠縣界來終縣界由馬坊村入咸陽合渭水咸陽縣在西安府西北十五里詩曰豐水東注維禹之績言攸同也文王作豐武王治鎬詩詠其事鄭康成云豐在豐水之鹵鎬在豐水之東相去蓋二十五里司馬相如上林賦李善注引關中記云涇渭瀉澗酆鎬潦潏凡入川入川惟涇在渭北餘皆在渭南出南山谷中北入渭酆水禹功所及故獨著于經

荆岐既旅

傳曰已旅祭言治功畢此荆在岐東非荊州之荆疏曰治水

皇清綱角

卷八

王光祿尚書後案

卒

從下自東而南先荆後岐荆在岐東也地理志云禹貢北條

荆山在馮翊懷德縣南

案曰馮翊上有左字疏刪去便非漢制

終南惇物至于鳥鼠

鄭曰地理志終南惇物皆在右扶風武功也

史記夏本紀集解傳曰

三山名言相望疏曰地理志云扶風武功縣有太一山古文以爲終南垂山古文以爲惇物皆在縣東三山空舉山名不言治意蒙上旣旅也

案曰鄭云地理志終南惇物皆在右扶風武功也者疏引前志云云續志略同云古文則是孔氏說故鄭用之也詩終南

何有有紀有堂傳云周之名山曰終南亦名中南左傳司馬

案曰中南九州之險是也又名終隆見淮南似真訓高誘注以爲卽終南山是也以今輿地言之此山卤起秦隴東跨長安咸寧藍田盩厔四縣之境然綿亘雖廣而以武功之太一爲主峯故漢志以太一當之張衡西京賦終南太一隆崛崔嵬潘岳鹵征賦九峻嶻僻太一龍從面終南而背雲陽跨平原而連嶠冢賦家之言不足深據而李善曰終南太一以二賦徵之不得爲一山遂以終南爲南山之總名太一爲一山之別號以此駁去漢志之說殊屬妄謬水經注云大一山亦曰太白山在武功縣南武功故縣在今鳳翔府郿縣東四十里渭水逕其北南對太白山去長安二百里唐六典云關內道名山曰太白是也惇物山在今武功縣東南二百里卽太一之北峯故連言之

又案曰漢志扶風上有右字疏引志刪去右字便非漢制非也此等今不悉辨荆岐鳥鼠竝詳見導山鳥鼠山地志在隴西首陽縣鹵南今在甘肅蘭州府渭源縣鹵渭水出詳見下文

原隰底績至于豬野

案曰豬史記作都野漢書作墾

鄭曰詩云度其隰原卽此原隰是也原隰幽地從此致功鹵至豬野之澤也地理志都野在武威名曰休屠澤尚書疏○傳寅禹貢集解一卷○傳曰下溼曰隰豬野蔡沈集傳二卷○史記夏本紀集解尚書疏○傳林之奇尚傳曰下溼曰隰豬野地名言皆致功疏曰下溼曰隰釋地文地志武威縣東北有休屠澤古文以爲豬野

案曰鄭云詩度其隰原卽此原隰是也者彼大雅公劉篇文

彼箋但空言度其隰與原川之多少非有指名實地而于此經引以爲說者彼是召康公述公劉遷幽事則隰原自是幽地今此經底績亦是治幽地之水故也今陝西直隸邠州及所轄三水縣皆幽地原隰在此鄭又云從此致功鹵至豬野之澤者小雅信彼南山維禹甸之畇畇原隰曾孫田之南山卽上終南也原隰卽此原隰也渭南渭北旣已旅平惟幽地尙宜致功故復治之從此鹵北逾河以至武威則畢治矣故鄭云云也鄭又引地理志云云者疏引前志文漢武威縣屬武威郡今甘肅涼州府鎮番縣地也

又案曰水經都野澤在武威縣東北注云縣在姑臧城北三百里東北卽休屠澤也古文以爲豬野其水上承姑臧武始

澤澤水二源東北流爲一水又東北逕馬城東謂之馬城河
城卽休屠城也漢志武威郡休屠縣有休屠城元和志云在涼州姑臧縣北六十里又東北與橫水合
水出姑臧城下武威郡涼州治也漢元朔三年改雍曰涼州遷于冀晉徙治此其水側城北流注馬城河今涼州府治卽姑臧故城也北至鎮又東北清澗水入焉
水出姑臧城東鹵番縣一百九十里水出姑臧城東鹵又與長泉水合
水出姑臧城東滑次縣鹵北歷黃沙阜東北流注馬城河又東北逕宣威縣故城南
今莊浪縣鹵又東北逕宣威縣故城南漢志宣威屬武威郡鹵魏太初四年匈奴渾邪王殺地理志曰谷水出姑臧南山北至武威入海屆此水流兩分一水北入休屠澤俗謂之鹵海一水又東逕一百五十里入豬野世謂之東海

三危既宅三苗不敍

鄭曰河圖及地記書云三危之山在烏窻之南當岷山則在積石之西南尚書疏曰王天與尚書纂傳四卷史記索隱一卷○玉海十五卷地理門○通鑑地理通釋五卷○王幼學綱目集○章樵古文苑注十四卷○傳曰鹵裔之山已可居三苗之族大有次敍疏曰舜典竄三苗于三危是三危爲鹵裔未知山之所在地理志杜林以爲敦煌郡卽古瓜州也昭九年左傳允姓之姦居于瓜州杜預云允姓之祖與三苗俱放于三危瓜州今敦煌也鄭引地記云云地記乃妄書未必可信要知三危之山必在河之南也禹治水未畢已竄三苗水災旣除彼得安定故大有次敍

案曰鄭引河圖云云疑括地象文又引地記書者鄭注禹貢屢引地記必古書可據者也三苗已詳堯典三危詳堯典及

下文導水

厥土惟黃壤厥田惟上上厥賦中下

傳曰田第一賦第六人功少疏曰此與荊州賦田升降皆較六等荊州升之極故云人功修此州降之極故云人功少其餘相較少者從此可知也王制云凡居民量地以制邑度地以居民地邑民居必參相得也則民當相準而得有人功修人功少者記言初置邑者可以量之而州境闊遠民居先定新遭洪水存亡不同故地勢有美惡人功有多少治水之後卽爲此差在後隨人少多必得要立其等此非永定也

案曰田之上中下鄭主地形高卑言則與賦之上中下不妨參錯不齊也傳以上爲肥美下爲磽薄而賦輕重不能準是

乃妄爲人功修人功少之說疏曲附之云治水爲此差後必要立其等云云聖王垂憲豈如此苟且紛要沈州云貞作十有二季乃同是固計其民困已蘇之後堪爲定制而立之法也安得云禹貢非永定者邪

厥貢惟珠琳琅玕

釋文曰珠音求琳音來金反玕音郎玕音干。案曰珠史記作璆

鄭曰珠美玉也琳美石也琅玕珠也

毛詩十八之四卷大傳雅韓奕疏。又釋文傳

曰珠琳皆玉名琅玕石而似珠者疏曰釋地云函北之美者有昆仑虛之璆琳琅玕焉說者皆云珠琳美玉名琅玕石而似珠者

案曰鄭云珠美玉也者說文卷一上玉部云珠玉磬也旣中磬材自是美玉也又云琳美石也者說文琳字次珠亦云美

玉嫌與珠無別故鄭不從也又云琅玕珠也者傳亦云似珠說文同并引此經以證是也

浮于積石至于龍門西河會于渭汭

傳曰積石山在金城鹵南河所經也沿河順流而北千里而東千里而南龍門山在河東之鹵界逆流曰會自渭北涯逆水西上疏曰地理志云積石在金城河關縣鹵南羌中河行塞外東北入塞內積石非河之源故云河所經也河從鹵來至此北流故沿河順流而北釋水云河千里一曲一直故千里而東千里而南至于龍門鹵河也地理志云龍門山在馮翊夏陽縣北此山當河之道禹鑿以通河東郡之鹵界也會合也人行逆流而水相向故逆流口會從河入渭自渭北涯

逆水西上言禹白帝訖從此西上更入雍州界也諸州之末惟言還都之道此州言發都更去明諸州皆然也

案曰積石詳導河地志金城郡河關縣積石山在鹵南羌中

河水行塞外東北入塞內在今甘肅西寧府西寧縣鹵南塞

外漢昭帝紀始元六年庚子秋以邊塞闢遠置金城郡地理志同孔安國爲武帝博士計其卒當于元鼎末元封初方年不滿四十故太史公謂其蚤卒在始元庚子之前且三十載何此傳已云積石山在金城西南邪郡名如陳魯長沙之類或前有所因而此獨不然應劭曰初築城得金故名金城臣瓊曰稱金取其堅固故墨子言金城湯池則始元庚子以前此地未有此名矣而此傳突有之知此傳乃魏晉間人假託非武帝時博士安國作也又史記大宛列傳敍張騫擊匈奴事云金城河鹵鹵在南山至鹽澤空無匈奴似是時已有金城之名然通鑑胡三省于此事注金城郡昭帝于始元六年方置史追書也考騫卒元鼎三年丁卯尤先始元庚子三十三載安得有金城郡乎胡三省說確甚或又疑傳所謂金城恐指金城縣而言則又不然安國卒于武帝之世昭帝始滅天水隴西張掖郡各二縣置金城郡此六縣中不知有金

城縣舊地志續屬山丹縣下而金城縣無之觀其云在
洮中則不河謂山在郡界明矣況縣乎且酈注所敍金城縣
在郡治允吾縣東塘爲五泉縣蘭州治宋曰蘭泉卽今蘭州
府治舉蘭縣地與續石山相去懸絕傳所謂金城蓋指郡言
而郡非武帝時有則傳非出安國可知夏陽今同州府韓城縣龍門山在縣東

此八十里與山西河津縣分界北魏志梁山北有龍門山故
龍門亦兼梁山之稱隋大業十三年李淵遣王長諾等自梁
山濟營于河鹵以待大軍卽龍門也黃河在韓城縣東五十
里自延安府宜川縣流入境歷龍門口而下有禹門渡通山
西河津縣寰宇記云龍門山北有河口略似龍門而不能通
相傳鯀治水時所鑿績用弗成今名錯開河龍門關在韓城
縣東北龍門山後周時所立最爲險阨關之下卽禹門渡渭
汭在河之西岸華陰朝邑韓城皆是蓋河自北來渭自東注

實交會于華陰故曰渭汭此節依鄭注是循行州境渭水右至西河是自西而東會渭汭又見鄭注之確自禹孔廟遷都白帝之說各州皆尙可強說至此則窮矣禹治水功成在堯時堯都平陽禹至西河河津榮河等縣界尙須從汾水往東幾百里方至平陽何得反西至渭汭于是爲孔不得不云逆水西上而疏申之云還都白帝訖又到雍州且云諸州皆然然則禹終年僕僕道涂何暇治水邪非也

織皮崑崙析支渠搜西戎卽敍

釋文曰禹留魯門反析星歷反搜所由反○案曰崑崙二字說文

卷九下山部無史記作崑崙漢書作崑崙搜漢書作叟師古云叟讀曰搜

鄭曰衣皮之民居此崑崙析支渠搜三山之野者皆鹵戎也

昆侖謂別有崑侖之山非河所出者也

尚書疏○傳寅禹貢集解一卷○史記索文

曰鹵戎鹵城也

尚書疏○林之奇尚書全解九卷○傳寅禹貢集解一卷○史記索隱一卷○傳王

是書經年卷之三

卷之三 王光祿尚書後案

織皮毛布有此四國在荒服之外流沙之內羌羣之屬皆就次敍

案曰鄭以昆侖析支渠搜爲三山者謂織皮之民居此三山之野者皆是鹵戎今已卽敍卽敍謂就而序之漢書鹵域傳贊引此而解之云禹就而序之非上威服致其貢物是也僞傳不用鄭義改爲四國疏謂傳或分渠搜爲二或并鹵戎爲四考諸書言渠搜從無分爲二者鹵戎乃總名不得別爲一國傳非是當以鄭爲正鄭又云鹵戎別有昆侖之山非河所出者也者傳記言昆侖凡四處一爲河源山海經云昆侖墟在鹵北河水出其東北隅釋氏鹵域記謂之阿耨達山水經注云自昆侖至積石一千七百四十里又引涼土異物志口

葱嶺之水分流東鹵鹵入大海東爲河源禹本紀所云昆侖者是也一在海外大荒經云鹵海之南流沙之濱有大山名曰昆侖其下有弱水之淵環之此山與條支大秦國相近禹本紀云去嵩高五萬里者是也一在酒泉漢志金城臨羌縣鹵有弱水昆侖山祠崔鴻十六國春秋云張駿時酒泉太守馬岌上言酒泉南山卽昆侖之體周穆王見鹵王母樂而忘歸謂此山也禹貢昆侖在臨羌之鹵卽此明矣括地志云在酒泉縣鹵南八十里今肅州鹵南昆侖山是也一在吐蕃通典云吐蕃自云昆侖山在國中鹵南河之所出唐書吐蕃傳云劉元鼎使還言自湟水入河處鹵南行二千三百里有紫山直大羊同國古所謂昆侖虜曰悶摩黎山東距長安五千

里河源其間是也案鹵海距玉門陽關四萬餘里而昆侖更在鹵海之南去雍州太遠其非禹貢之昆侖明甚吐蕃悶摩黎山唐人造言唐以前從無以此爲昆侖者不足信山海經所云昆侖墟至積石一千七百里正河所出亦非鹵戎所居鄭意蓋以臨羌之昆侖爲鹵戎所居鄭與馬合逸周書王會解正鹵有昆侖等九國孔穀注云九者鹵戎之別名是也鄭以析支渠搜皆山名馬云析支在河關鹵者水經注云自析支以鹵濱于河首羌居其右河水東流屈而東北逕于析支之地是爲河曲矣後漢書鹵羌傳云鹵羌之本出自三苗姜姓之別也其國近南岳及舜流四凶徙之三危河關之鹵南羌地是也濱于賜支至乎河首縣地千里皆羌地賜支者禹

貢所謂析支者也南接蜀漢徼外蠻夷鹵北接鄯善車師漢人以鹵域兩河合流至鹽澤潛行地下南出于積石爲中國河故謂積石爲河首北音讀析如賜字從聲變故一作賜支其地後爲党項所居通典云党項羌在古析支之地漢鹵羌之別種北連吐谷渾是也漢河關縣在今甘肅西寧府西寧縣鹵南塞外地也渠搜亦鹵戎周書王會云渠搜以麌犬孔鼴注渠搜鹵戎之別名也是也釋文誤引漢志朔方郡渠搜縣當之并引武紀北發渠搜爲證水經河水自朔方東轉逕渠搜縣故城北注云禮三朝記曰北發渠搜南撫交趾此以北對南禹貢之所云析支渠搜矣誤始于此陸氏因之彼武紀應劭注云禹貢渠搜屬雍州在金城河關之鹵戎也劭

既知渠搜爲鹵戎則必不以爲北發臣瓊亦辨之五帝本紀云鹵戎析支渠瘦氏羌渠搜之爲鹵戎無疑但今不能定其所在也

導岍及岐至于荆山逾于河

釋文曰導音道岍音牽字又作汧馬本作開○案曰史記漢書竝作汧

鄭曰四列導岍爲陰列鹵領爲次陰列嶓冢爲次陽列岷山爲正陽列地理志岍在右扶風尚書疏○東坡先生書傳五卷○薛季宣書古文訓三卷○程大昌禹貢論上卷○黃度尚書說二卷○蔡沈書集傳二卷○時瀾增修東萊先生書說圖說○傅寅禹貢集解二卷○毛晃禹貢指南三卷○胡士行尚書詳解三卷○金履祥尚書表注上卷○董鼎書集傳輯錄纂注二卷○吳澄書算言二卷○陳師凱書傳旁通二卷○陳櫟書傳纂疏二卷○劉三吾等書傳會選二卷○史記夏本紀集解○又索隱一卷○金履祥通鑑前編一卷○玉海二十卷地理門○小學緝珠二卷○馬曰三條

導岍爲北條西傾爲中條嶓冢爲南條尚書疏○東坡先生書傳五卷○林之奇尚書全解十卷○程大昌禹貢論上卷○又禹貢山川地理圖○傳寅禹貢集解二卷○毛晃禹貢指南一卷○胡士行尚書詳解三卷○蔡沈書集傳二卷作王注○金履祥尚書表注上卷作王注○董鼎書集傳輯錄纂注二卷○陳師凱書傳旁通二卷○陳櫟書傳纂疏二卷作王注○劉三吾等書傳會選二卷○史記索隱一卷○金履祥通鑑前編一卷○玉海二十卷地理門○洪适隸釋三卷○傳曰更理說所小學緝珠二卷○章樵古文苑注十八卷○傳曰更理說所治山川首尾所在治山通水故以山名之岍岐荆三山皆雍州河謂梁山龍門鹵河疏曰上文每州說其治水登山今更條說所治之山本以通水舉其山相連屬言此山之旁所有水害皆治訖也地理志吳岳在扶風汧縣鹵古文以爲汧山岐山在美陽縣鹵北荆山在懷德縣三山皆在雍州逾于河謂山逾之也此處山勢相望越河而東

案曰鄭云四列者鄭意以下文導水就水之原委言則此導山就山之首尾脈絡言也導岍爲陰列云云者鹵北爲陰東南爲陽也漢天文志云中國山川東北流其維首在隴蜀尾沒于勃海碣石本史記天官書文今鄭此注所分岍山鹵傾山嶓冢山岷山皆在隴蜀正所謂維首又鄭順經文前後言之其實當先正陽次次陽次正陰次陰列而至于碣石入于海正居陰列之末所謂東北流尾沒于勃海碣石者鄭注與史漢合此古義也馬云三條者漢志有北條荆山南條荆山是古有此說但以嶓冢岷山二列并爲一條恐不如鄭義長也鄭引地志云云者疏引前志文其下又云雍州山續志亦云汧縣有吳嶽山本名汧職方雍州其山鎮曰嶽山是也漢汧縣唐

汧源縣隴州治明省縣入今爲鳳翔府之隴州州南三里有汧縣故城汧山在境內水經注云汧水出汧縣之蒲谷鄉弦中谷波爲弦蒲藪爾雅曰水波之澤爲汧也汧水東逕汧縣故城北會龍魚川水又東會一水發南山鹵側俗以此山爲吳山國語所謂虞矣古字虞吳同攷吳嶽班酈皆謂即岍山然史記封禪書言白堦以鹵名山七曰堦山薄山嶽山岐山吳嶽鴻蒙瀆山而無岍山又析吳嶽與嶽山而爲二或互言之或析言之也當以漢志爲正疏又引岐山在美陽縣鹵北者漢志美陽縣禹貢岐山在鹵北中水鄉周太王所邑續志云美陽有岐山有周城水經注岐水逕周城南城在岐山之陽而近鹵所謂居岐之陽也非直因山致名亦指水所稱矣又歷

周原下北則中水鄉成周聚也水北卽岐山矣山今在陝西鳳翔府岐山縣東北十里岐陽廢縣在岐山縣東北五十里唐貞觀七年置周太王居岐之陽卽此疏又引荆山在懷德縣者漢志左馮翊懷德縣禹貢北條荆山在南下有彊梁原洛水東南入渭案史記周勃從定三秦賜食邑懷德尋置懷德縣此懷德建置之始今朝邑縣有懷德故城乃西漢舊縣荆山在其境也

又案曰續志無懷德縣省併也故城在朝邑而富平復有懷德故城者寰宇記謂後漢末及三國時因漢舊名于此立縣爲名晉移富平來治通典晉自彭原移富平于今縣西南懷德城後魏復徙去故有故城存焉其實與西漢舊縣無涉也隋地理志因之誤載

荆山于富平縣李吉甫元和志云在富平縣鹵南二十五里宋敏求長安志云在縣鹵南二十里皆謬也今朝邑縣治基頗高在彊梁原上當卽宋時舊址土人謂原卽荆山北麓其東麓則臨于河卽禹貢荆山無疑矣蓋水經注言洛水東南歷彊梁原今朝邑有洛水歷彊梁原入渭原在荆山下而富平縣無洛水一證也彊梁原爲荆山之麓一名朝坂一名華原山在朝邑縣鹵繞縣鹵而北而東以絕于河古河壩也故以至于荆山逾于河若富平則東距河二百餘里與經意不合二證也至于水經注沮水條內又有云沮水東南歷土門南原下東逕懷德城南城在北原上又澤泉水東逕懷德城北東南注鄭渠合沮水此皆指富平之懷德而言固未嘗與

在今朝邑縣者混而爲一也而唐宋以來因之致誤者蓋由先儒謂漆沮爲洛水而澤泉逕富平懷德城北東南絕沮注濁水得漆沮之名遂以此爲漢志東南入渭之洛并荆山亦移之富平非也

壺口雷首至于太岳

傳曰三山在冀州太岳上黨_{疏曰}地理志壺口在河東北屈縣東南雷首在河東蒲坂縣南太岳在河東彘縣東是三山在冀州以太岳東近上黨故云在上黨_{疏曰}地理志壺口在河東北

案曰傳云三山在冀州疏引地志云云者彼志蒲反又云有堯山首山祠故曰蒲秦更名應劭曰秦始皇東巡見長坂故加反云故城在今山西蒲州府治永濟縣東南漢縣舜所都

傳又云太岳在上黨_{疏曰}太岳卽霍山漢上黨郡今山西潞安府是餘詳冀州

底柱析城至于王屋

釋文曰底之履反柱如字韋知父反又知女反○案曰底史記作砥後同

傳曰此三山在冀州南河之北東行_{疏曰}地理志云析城在河東濩澤縣_{疏曰}河東垣縣東北地理志不載底柱底柱在大陽關東析城之_{疏曰}從底柱至王屋在冀州南河之北東行也

案曰漢志析城在濩澤縣西南疏刪南字非也濩澤今爲山西澤州府陽城縣其故城在縣西三十里垣縣今爲絳州垣曲縣其故城在縣西四十里大陽今爲解州平陸縣其故城在縣東北皆漢縣大陽關在今河南陝州東王屋山在今懷

慶府濟源縣鹵北唐王屋縣地鹵與垣曲接界

太行恆山至于碣石入于海

釋文曰行石剛反又如字○案曰太行列子作太形則行讀如字故

陸氏兼存之案行古本讀若杭晚周變讀若形非古音又案恆史記作常避諱

傳曰此二山連延東北接碣石而入滄海百川經此衆山禹皆治之不可勝名故以山言之疏曰地理志云太行山在河內山陽縣鹵北恆山在常山上曲陽縣鹵北太行去恆山太遠恆山去碣石又遠故云此二山連延東北接碣石而入滄海言山旁之水皆入海山不入海也又解治水言山之意百川經此衆山禹皆治之川多不可勝名故以山言之也謂漳潞汾涑在壺口雷首太行經底柱析城沛出王屋淇近太行恆衛滹沱澮易近恆山碣石之等也

案曰傳云百川經此衆山禹皆治之導山本言山脈傳言治山旁水與鄭異觀經言逾于河又云過九江自是言山之脈江河不能斷而逾之過之天文志云尾沒于勃海則經云入于海亦是山脈盡于此故云人非言水入傳非是疏附會爲漳潞諸水皆非也且導山諸節所舉之山在平陸距水次絕遠者多矣豈皆濱臨大川者知馬鄭古注不可易也疏引地志山陽縣云云彼文稱東太行山彼志又有河內壘王縣太行山在鹵北壘王是正山陽是支淮南子倣真訓高誘注亦云太行在野王疏偏舉山陽非也又引上曲陽云云彼志恒山北谷在鹼北有祠并州山職方正北曰并州其山鎮曰恒山是也漢山陽縣今河南懷慶府修武縣故城在縣鹵北壘

王縣今河內縣故城卽今懷慶府治太行自此起縣亘山西澤州迤而東北跨陵川壺關平順潞城黎城武鄉遼州和順平定樂平以及河南之輝縣武安直隸之井陘獲鹿諸州縣界中皆是上曲陽今爲直隸定州曲陽縣故城在縣西恒山在今縣西北詳堯典碣石見冀州海在碣石之東又案曰漢志右北平驪成縣大碣石山在縣西南莽曰碣石遼鹹郡案縣有碣石水南入官謂下官水不言有山蓋驪成有大碣石則案縣有小碣石可知後漢省驪成縣說者遂不數大碣石專以小碣石言之故文穎注武紀曰碣石在遼鹹案縣今罷入臨渝此石著海旁續漢志遼鹹郡臨渝縣劉昭注曰碣石山在縣南晉省臨渝入肥如故後魏地形志曰肥

如縣有碣石山隋唐省肥如入新昌尋又改新昌曰盧龍故隋志曰盧龍縣有碣石山括地志曰碣石在盧龍縣南三里通典曰平州盧龍縣有碣石山碣然而立在海旁故名之盧龍後僑置營州柳城縣遼改曰廣寧又改曰昌黎自後漢至隋唐曰案縣曰臨渝曰肥如曰盧龍縣名四變而山則一皆據小碣石言之至唐志及寰宇記則云石城縣有碣石山而歐陽忞輿地廣記曰石城故驪成也是又據大碣石言之按唐志于平州盧龍縣則注云本肥如武德二季更名又置撫寧縣七季省于石城縣則注云本臨渝萬歲通天二季更名今直隸永平府撫寧縣之東南昌黎縣之東皆濱大海撫寧之南境西面境與昌黎界自漢以來縣名經屢改屢省之後壤地交錯不可得

詳而漢驪成故城大約在今撫寧縣界繫縣故城大約在今昌黎縣界漢書于驪成言碣石山于繫縣言碣石水則大小碣石並舉自文穎以下諸說偏舉一處者皆不免望漏惟郭璞注山海經曰碣石在臨渝或云在驪成兩存其說而酈道元水經注亦兼舉二說按水經第四十卷禹貢山水條曰碣石山在遼鹵臨渝縣南水中注曰大禹鑿其石右夾而納河秦始皇漢武帝皆嘗登之海水鹵侵歲月逾甚而苞其山故言水中矣又第五卷河水條注曰漢司空掾王璜漢書儒林傳平仲傳古文尚書溝洫志作王橫言往昔天嘗連北風海水溢鹵南出侵數百里故張君云碣石在海中蓋渝于海水也後漢志注禹貢地理記張氏不知其名正義並引張氏豈卽此所稱張君邪昔燕齊遼曠分置營州今城屬海濱

海水北侵城塹淪者半王璜之言信而有徵碣石入海非無證矣又第十四卷濡水條注曰濡水自樂安亭南與新河故瀆合又東南至繫縣碣石山文穎曰碣石在遼鹵繫縣繫縣并屬臨渝地理志曰大碣石山在右北平驪成縣鹵南王莽政曰碣石也漢武帝亦嘗登以望海而勒石於此今枕海有石如甬道數十里當山頂有大石如柱形立巨海中潮水大至不動不沒世名天橋柱韋昭亦指此爲碣石濡水干此南入海又按管子齊桓公征孤竹至卑耳之谿涉贊水今亦不知所在昔在漢世海水波襄吞食地廣當同碣石苞渝洪波也按酈氏旣兼舉漢志驪成文穎繫縣二說而今昌黎撫寧乃漢驪成繫縣境則其爲碣石者自昌黎北撫寧南諸山皆

是矣而所謂枕海有石如甬道者今在昌黎東南又仙人臺
碣石之頂也在昌黎縣治北十里撫寧之鹵其臺崇廣絕壁
萬仞頂石爲天橋柱人罕能至此山距海三十里今現在而
酈云渝海者蓋當海水波襄偶然漸及山下非眞泯焉蕩焉
也史記秦始皇三十二年之碣石求羨門高誓刻碣石門二
世元季春東行郡縣李斯從到碣石漢書武帝元封元季東
巡海上至碣石建安十二季曹操征烏桓過碣石作詩曰東
臨碣石以觀滄海皆指此山也若如酈氏渝海之說無論山
今現存有不可誣卽其本朝文成帝太安四年戊戌東巡登
碣石觀滄海改山名樂遊此明係山在平陸而以爲渝海不
亦謬乎碣石當以在今昌黎北及撫寧鹵南者爲正

靈川舉人秦培璠對字

皇清經解卷四百零六中終

皇清經解

卷四百零七

七

